



太平御覽卷第一百九十二

屈處部二十

城上

說文曰城以盛民也墉城垣釋名曰城盛也盛授國都也

又曰城上垣謂之睥睨言于孔中睥睨非常也亦曰睥言裨助城之高也亦曰女墻言卑小比之於城若女子之於丈夫也所謂堞亦女牆也

易曰城復於隍

詩曰宗子維城無俾城壞

又曰挑兮撻兮在城關兮

太平御覽

卷百九十一

又曰衛文公徙居楚丘始建城市而城市宮室得其時制焉子子干在浚之城

又曰崇墉言言

又曰哲夫成城哲婦傾城

又曰靜女其妹俟我於城隅

又曰赴赴武夫公干城

禮記曰登城不指城上不呼

左傳隱公曰鄭莊公立姜氏愛共叔為請京使居之謂之

京城太叔蔡仲曰都城過百雉國之害也

又曰美城之大名也

又曰楚囊瓦城郢



江西汪石
琴家藏本



不精圖
書館藏
書



沈尹戌曰苟不能衛城無益也

又曰梁伯好土功亟城而不處民罷而不堪則曰某寇將至乃溝公宮秦將襲我民懼而潰

又曰備豫不虞善之大者也莒恃其陋而不修城郭淡辰之間而楚克其三都

又曰無戎而城雉必保焉

又曰楚子圍鄭守陴者皆哭楚子退師鄭人修城進復圍之三月克之

又曰叔向告晉侯曰城上有烏齊師其遁

又曰君其修德而固宗子何城如之

又曰士彌牟城成周計丈尺揣高卑度厚薄俛溝恤物土

太平御覽

卷百九十一

二

方議遠邇量事期計徒庸慮材用書糗糧令役于諸侯

又曰宋城華元爲植巡功城者謳曰睥其目皤其腹棄甲而復于思于思棄甲復來使其驂乘謂之曰牛則有皮犀兕尙多棄甲則那役人曰從其有皮丹漆若何華元去之夫其口衆我寡

穀梁傳襄公曰大國過小邑必飭城禮罪禮也

明巴國無罪

公羊傳曰城雉者何五板而堵五堵而雉百雉而城

公羊傳注曰天子之城千雉高七雉公侯百雉高五雉男

五雉高三雉

史記曰奉始皇使蒙恬北築長城西屬流沙東至遼水以

捍胡

又曰秦二世欲漆城優旃曰善哉漆城光蕩蕩寇來不得上易爲漆耳顧難爲蔭屋二世笑遂止

漢書曰武帝太初元年使將軍公孫敖築塞外受降城

又曰梁孝王廣睢城周圍七十里

又曰貳師遣屬國胡騎二千與虜戰兵壞散死傷者數百人漢軍乘勝追北至范大夫城

漢將姓范初築此城范亡其妻率衆完保之國以爲

名

又曰軍師前治交河城外分流繞城下故號交河去長安八千一百五十里

又曰昭帝元鳳六年募郡國徙遼東玄扈城

續漢書曰耿恭字伯宗爲戍己校尉屯後王部金滿城謁

太平御覽

卷百九十二

三

者關寵爲戍己校尉屯前王部柳中

魏志曰曹公攻馬超渡渭每爲超騎所衝突營不得立地又多沙不可築城婁子伯說公今天寒可以沙爲城以水灌之一夜可立從之乃多作縑囊以盛土偃水夜渡兵作城比明城立公軍於是盡得渡

於寶晉記曰魏文帝之在廣陵吳人大駭乃臨江爲疑城自石頭城至于江乘以木爲枝衣以葦席加彩飭焉一夕而成

晉書曰涼州城有龍形故名卦龍城本匈奴所築也

又曰朱序遷涼州刺史鎮襄陽符堅遣軍圍序序母韓氏

自行城謂西北角當先弊遂傾百餘婢及城中女丁築二

十餘丈賊攻新築不敗遂引退襄陽謂之夫人城

晉載記曰赫連勃勃以叱于呵利領將作大匠乃蒸土築城以錐刺之錐入一寸卽殺作者不入卽殺行錐者勃勃以爲忠

沈約宋書曰檀道濟見收脫幘投地曰乃壞汝萬里長城

又曰氏師楊難當寇漢中魏興太守薛健黃金城

崔鴻十六國春秋北燕錄曰初燕光帝始中丁靈氏楊道獵於白鹿山爲契丹所獲流漂塞外至大難北及黎大國逐出草而射獵爲業至十月乃收葦爲水澆合凍高一丈五尺東西七八十里南北二十餘里名陵城居於其中

太平御覽

卷百九十二

四

又夏錄曰赫連勃勃下書曰古人制起城或邑因山水或以義立名今城都已建萬堵斯作克城弗遠宜有美名朕方統一天下君臨萬國可以統萬爲燕名

燕書曰太祖統八年使裕唐柱等築龍城立門闕宮殿廟園籍田後遂改爲龍城縣

北齊書曰唐邕字道和爲給事黃門中書舍人文宣出塞邕必陪從文宣嘗登拜州童子佛寺望拜州白此何等城也或曰金城湯池天府之國也文宣曰我謂唐邕是金城此非也

唐書曰景雲二年三月張仁愿於河北築三受降城先是朔方與突厥以河下爲界北有佛祠突厥每入寇必禱祠

候米合而入時默啜西繫仁虛奪取摸南城首尾相應以拂云祠爲中城東西相去各四百里背據津濟逢相應接此拓三百餘里於牛頭胡那山北置烽堠百八十自是突厥不得度山放牧朔方更無寇掠減鎮兵數萬人

又曰天寶二年正月二十八日築神都羅城號曰金城

又曰天寶六載十二月築會昌縣於陽所置百司及公卿

邸第

又曰建中元年五月築奉天城四年十月止避難于奉天

初術士桑道茂奏請城奉天爲王者之居至是方驗

又曰貞元九年二月詔復築鹽州先是貞元三年城爲吐

蕃所壞自後塞外無保障犬戎入寇既城之後邊患頓息

太平御覽

卷百九十二

五

五經異義曰天子之城高九仞公侯七仞伯五仞子男三仞

白虎通曰天子曰崇城言崇高也諸侯曰干城言不敢自專禦於天子也

周處曰周公作城于土中城方千六百二十丈郭方七十二里南繫洛水北因陝山爲天下之大制也

家語曰邑百雉之城古之制也

國語曰衆心成城言以衆心爲城

墨子曰解爲城

琴操杞梁死妻援琴歌曰樂莫樂兮新相知悲莫悲兮生

別離哀感皇天城爲隳

列女傳曰齊人杞梁襲莒戰而死其妻就夫之死城下哭
之七日而城崩
淮南子曰崑崙山有屬城九重
又曰蘇作九仞之城
墨子曰解爲城西守城之法積樵營雜第葦有荻有木有
積沙有蓬艾有麻脂有金錢有積粟
莊子曰孔子說盜跖曰使爲將軍造大城數百里跖曰城
之大者莫大乎天下也

韓子曰靖郭君城薛客諫靖郭君曰君失齊國雖薛城至
於天猶無益也靖郭君乃不城薛

博物志曰處士東里塊責禹亂天下禹退作三城强者攻
太平御覽
卷百九十二
弱者守敵者死戰城郭禹始也

六

又曰代城始築立版幹一日亡西南五十里於澤中自立
結葦爲門因就營築焉其城圓周三十七里爲九門故城
處呼曰東城

崔豹古今注曰秦所築長城土色紫漢塞亦然故稱紫塞
韓詩外傳曰趙簡子薨未葬中牟飯之既葬五日襄子與
兵而攻之圍未匝而城自壞襄子擊金而退軍吏曰誅中
牟之罪而城自壞天助也何爲退襄子曰吾聞君子不乘
人於利不阨人於險使其城成然後攻之

述異志曰廬山上北嶺有城號康王城天雨聞鼓角之聲

傳云周康王好音累巡名山故有康王之號

又曰尋陽柴桑縣城晉永和中有童謠呼爲平石城時人僉謂平滅石之徵也桓溫篡位晉帝爲平固王恭帝爲石陽公俱遷於此城

又曰尋陽張允家在本郡郡南有古城張少貧約屢往遊憇忽有一老公來與張言因問之此城何名荅曰吾不知爲南郡城耳言說便去不知所之張旣出宦仕進累遷位登元凱後爲南郡太守卽以城號以志老父之言焉

又曰安陽有金城城皆如金色堅勁不崩摧先儒云上古時天雨黃金也

酈元水經注云魯陽開水歷衡山西南經皇后城建武元年光武遣侍中傅俊持節迎光烈皇后於濟陽後發兵三

太平御覽

卷百九十二

七

百餘人宿衛皇后道路歸京師蓋稅舍所在故得其名矣又曰漢水東合申水南流經金井城

又曰漢水東經方石城在高原上高十餘丈四面臨平形若覆盆其城宿是流雜聚居故世亦謂流雜城

又曰易水西山寬中谷東經五大夫城昔平北侯王潭不同王莽之亂生五子並避亂隱居北山故其後世居此以爲五大夫城

河北詩記云易縣有五公城王潭不從王莽潭子與生五子避隱於此世祖並封爲侯元才

北平顯才侯 蒲平益才侯 嘉安

侯秀才唐侯所侯中山五侯其西三十里有五大夫城說與

此同

說苑曰中行穆子圍鼓鼓人有以城叛來降者穆子不許
軍吏曰師徒不動得城何故不受穆子曰有以吾城叛者
吾所惡也人以城來獨何賞

秦州記曰天水郡治上邽城前有湖水冬夏中停無增減
天水名由此湖也

又曰金城郡漢昭元始六年所置應劭云初築城得金故
曰金城凡城皆稱金言其故也故墨子稱金城湯池

齊城記曰卽墨城東西百八十四里平昌城高六丈有臺
有井與荆水通夫城與井得之於荆水又神龍出入焉故
一名龍城

三齊畧記曰陽庭城東西二百五十里青城山秦始皇登

太平御覽

卷百九十二

八

此山造石城入河三十里臨海射魚方四百里水變血色
今猶爾也

解道虎齊記曰不夜城在陽庭東南一百二十里淳于髡
稱海童作妖城古者日夜出見於東境故萊子此城以不
夜爲名異之

夢書曰城爲人君一尊也夢見城者見人君也夢築新城
有功名

新序曰梁伯酒於酒淫於色心慍而耳塞好爲志城而不
居民罷甚

武當山記曰魏興錫縣有長利城父老伯相傳云是長安
土所築邑塞于余城

王韶之始興記曰有任將軍城秦南海尉任囂城也

合逕有三城馬鞍城白鹿郡晉咸康中張魴甚有惠政白鹿郡遊取一而獻之故因以爲名

袁山松宜郡記曰限山縣有山名下魚城四面絕崖兩道可上皆險山週迴二十里上有林木池水里民種於山下昔永嘉亂土人登此避賊守之經年食魚擲下與賊以示不窮賊遂退散因此爲下魚城

吳地記曰聿門外越城者越來伐吳吳王在姑蘇築此城以逼之又有越來溪

又曰越來溪西魚城者吳王旣遊姑蘇築此城以養魚

又曰魚城之西有故城長老云築以釀酒今俗人呼之爲

太平御覽

卷百九十二

九

苦酒城

又曰匠門外鴨城者吳王築此城以養鴨

又曰婁門外鷄陂者吳王養鷄城

又曰海渚有吳王闔閭與越結怨相伐築城名曰南武城以禦越

盛弘之荊州記曰馬牧城東三里有蜂城古老相傳云飢年民結侶拾蜂止憇其故因爲又云城隨門勢上大下尖其形似蜂故有蜂號二稱莫知所附故並載焉

又曰當陽縣東南有麥城東有驢磨城犄角城傳云伍員造此二城以攻麥城故假之驢磨之名

又曰樊城西北有鄧城旣春秋所稱鄧子之國光武云宛

最强鄆次卽爲此鄆城西北行十餘里鄆侯離吳國爲此
楚文王所滅今爲鄆縣鄆城西北旣里有穀城伯綏之國
城門有石人焉刊其腹摩韃慎莫言疑此亦周太廟金人
緘口銘背之流也

又曰穉歸縣西有楊城周廻十餘里卽熊繹所居

荊州圖記曰江夏郡所治夏口城其西南角因磯爲高宗
塘枕流上則過眺山川下則激浪崎嶇是曰黃鶴磯實舟
人之所艱也

又曰白帝城西臨大江東南高二百丈西北高一千丈

又曰鄧城有樊城是樊仲山甫所封也

又曰純陽縣有却月城西一里馬城也

太平御覽

卷百九十二

十

又曰夷陽縣南對岸有陸抗故城卽山爲墉西面天險上
有步闌故城

又曰新野郡魏三公城左右傳漢時三公餞離處也

伏滔北征記曰梁國名故宋國微子所封城再重大城梁
孝王所築

孟粵北征記曰許昌在洛水之城西方圓二十里有三重
城南北東西土門金城西南員實中臺高六丈餘方圓二
畝上有廟城門有鐵鑊

關中記曰長安地皆黑壤滅今赤如火堅如石父老所傳
鑿龍首山土爲城又諸臺關亦爾

益州記曰益州城張儀所築錦城在州南蜀時故宮也其

處號錦里

成都記曰府城本呼爲錦城秦滅蜀張儀所築也每面各
三里周廻十二里高七丈屢皆傾倒忽有大龜周行其所
躡而築之功效就焉故亦號爲龜城

三輔黃圖曰長安城西南頭第二門名直城王莽改曰端
路今名直城

太平御覽

卷百九十二

十一

太平御覽卷第一百九十二終

居處部二十一

城下郭墩
槽附

丹陽記曰石頭城吳特悉土塢義熙始加塼累石頭因山以爲城因江以爲池形險固有奇勢故諸葛亮曰鐘山龍盤石城虎踞良有之矣

又曰趙城去宮八里案越絕書則東甌越王所立也

又曰江寧縣北三十里有白馬城吳時爲烽火之所

太康地記曰梁孝王築睢陽城十二里以鼓唱節杵而下和稱睢陽因以爲縣

又曰雁門馬邑縣秦時建此城輒崩不成有馬周旋馳走

太平御覽 卷一百九十三

一

反覆父老異之因以築城遂名馬邑云

搜神記亦載也

述征記曰思子城漢武帝延和二年衛太子遇江充之亂奔湖自縊壺關三老太廟令田千秋訴太子之寃築思子宮于湖其城存焉

續述征記曰廣固城右有大澗甚廣阻之爲固謂之廣固

又曰白馬城魏黃初中曹彪封白馬王治於此城

又曰小城陽城在陽城西南半里許實中俗說因堯城

羊頭山記曰邯鄲城邯山名戰邯盡也邯山至此而盡也

又曰曲阜城城內有曲阜縣逶迤長八九里

東方朔十洲記曰崑崙山有積金爲天城四面千里

關中記曰長安城其形似北斗其土本皆黑壤今城赤如

火堅如金父老所傳鑿龍首山以爲城也

幽明錄曰始興縣有臯天子固因山崎嶇十有餘里坑塹數重阡陌交通城內堂塞碎瓦柱穿猶存東有臯天子冢臯天子木之聞也

劉植京口記曰有小昇城

鄧德明南康記曰歸美山下有石城高數丈有一門門外有二石夾左右高數百尺遠望嵯峨雲闕騰空古老謂之神仙遊焉

郡國志曰兗州兩觀城卽仲尼爲魯司寇誅少正卯之處又曰陝州魏城卽芮伯萬母惡芮伯逐之出居於魏此也晉獻公滅之以賜畢萬山河之間土地迫隘故魏周著十

太平御覽

卷一百九十三

一

崧之詩

又曰雲中府快馬城有綾羅泉卽塞上翁所居之邑有快馬亭塞上翁六國前人姓李也

又曰雍州霸陵城在通化門東二十里秦襄王塋於其坂謂之壩上

又曰汴之高陵城卽高陽之墟也繁陽城漢云外黃縣有繁陽亭張氏爲外黃令有夏后祠神并能興雨雹

又曰徐州薛城高厚無比多出棊槊子弟蓋孟嘗君餘風也

又曰六壁府後魏太平貞君五年討胡于六壁卽此城裕以城爲六面因以爲名焉

又曰有號城魏城相傳云晉既滅虞號遷其人於此築城以居之

又曰幽州無終縣西平城卽李廣射石虎之處

又曰復州竟陵城云夢城城西大澤卽古云夢澤也却月城在河口魏將黃祖所守處

又曰媯州涿鹿城卽黃帝擒蚩尤處黃帝泉今枯而不流卽古之版泉也

又曰涼州昌松縣有鸞鳥城魏段爲神鳥城張軌時有五
色鳥集于其處築城

又曰衛州有狗城蓋紂養狗之處也

又曰洛州夫人城卽趙武靈王夫人築也

太平御覽

卷百九十三

三

又曰衛州有酒城

又曰涼州臥龍城

又曰烏州亦名翅城

又曰登州文登縣有不夜城縣尙書城有石橋卽秦始皇
造欲觀日處文登山始皇召文士而登此山

又曰齊有士鄉城鄭玄云齊有士鄉城越有君子城

又曰同州韓城卽韓原也詩所謂韓侯受命是此韓地春
秋時秦擒晉惠公處也

又曰肅州福祿城因謝艾所築也

又曰廉州宋大始年陳伯紹平夷至合浦見三青牛圍之
不獲卽其處置城俗號青牛城

又曰箕子城石勒每破一州必簡別衣冠號爲君子城洎平幽州擢荀綽裴憲等還襄國路經此後俗訛爲箕子城又曰平州孤竹城卽孤竹國也漢靈帝時遼西守廉翻夢人云余孤竹君之子也今遼海漂吾棺明日見浮棺因葬之

又曰雲中府齊柳牙舒城有道人城初築時有仙人游其地遂名城焉

又曰城都郡秦惠王二十七年張儀築以象咸陽沃野千里號曰陸海有萬歲池卽築城取土之處也

又曰定州博陵縣唐城堯爲唐侯國于此

又曰陽翟縣舊屬汝州有鷄鳴城

太平御覽

卷一百九十三

四

又曰隋州博望城卽張騫封侯之國也

又曰許州雍城卽黃帝城臣雍父始作杵曰處

又曰朔州太平城後魏穆帝治也太極殿琉璃臺瓦及鴟尾悉以琉璃爲之

又曰鄭州博浪城卽張良爲韓報仇擊秦王處

又曰雍州杜城在安仙門南七里春秋范宣子云在周爲唐杜氏卽是此也

又曰益陽城魯肅築也雲門登之望見長沙城邑人馬形色宛然相去三百里故老云長沙益陽一時相望

又曰廣州萬人城卽尉佗故城也

又曰張掖郡竇融築千秋城萬歲城

又曰洛陽澗池縣有秦趙二城號爲俱利城

又曰定州博陵縣樂羊城魏文侯使樂羊取中山造

又曰重泉城漢武爲夫人所築

又曰藍田有青維泥城亦曰柳城

又曰賀州蕪城池隍中頗出珠玉寶器卽尉佗拒防之所

也

又曰曹州漆園城莊周爲吏處

又曰曹州白雁城卽衛侯伐鄭至鳴雁是此也

又曰洛州王城宮城西入苑故邲鄘城也周武王伐殷遷

九鼎此地也夏至之影尺有五寸謂之土中焉泉亭卽春

秋時泉臯伊洛之戍同伐京師

太平御覽

卷百九十三

五

又曰坊州鄜城卽高奴城謂高樓城

又曰汴有浚城鄘詩云子子于旌在浚之城又曰爰有寒

泉在浚之下水冬夏常冷因曰寒泉

又曰滑州鹿鳴城城內有鳴鹿臺

又曰陳宮城周二十里東晉所築號曰六門城宣陽門揖

上作虎刻木相對又施雲媚藻井言武武門上作重樓號

曰西辰觀吳初築在府宮南號太初宮正殿曰神龍殿又

有臨海赤烏殿孫皓起顯明宮引水激之飾以珠玉有彎

崎嶇礪之觀門及樓皆擊鼓持夜以齊以鼓多驚眠改爲

鐵磬

過秦論曰秦踐華以爲城因河以爲池

越絕書曰石城者吳王闔閭所置美人離城也

又曰樓門外馬寧溪止復城者故越王餘復君所治也

又曰樓門外鴻城者故越王城也去縣百五十里吳鷄籠山外雞陂故吳王所畜雞使李侏之養去縣二十里闔閭姑蘇臺外有九曲路闔閭造以遊姑蘇之臺太湖中窺百姓去縣三十里

又曰吳大城周四十七里二百一十步六門二有樓水門八南面十四里四十二步西面七里百十二步北面八里二百六十步東面一十里七十九步闔閭所造也吳郭周六十八里六步吳小城周一十二里其下廣二丈七尺高四丈門三皆有樓東宮周一里二百步路西宮長秋門周一里二百二十六步秦始皇帝二十一年守營者昭鸞失火燒之

吳越春秋曰繇築城以衛君造郭以居人此城郭之始也又曰范蠡視天文法於紫宮築作小城周千一百二十三步一員三方西北立飛翼之樓以象天門東南服滿石竇以象地名陵門四達以象八風外郭築城而缺西北示服事吳也不敢壅塞內以取吳故缺西北而吳不知也

又曰伍子胥爲吳相土嘗水象天法地造築天城周廻四十七里陸門八以象天之八風水門八以象地之八窗築小城十里陸門三東面者欲以越絕明矣立闔門者以象天門通闔闔風立地門者以象地戶也闔闔欲西破強楚

楚在西北故立闔門以通天氣也因復名破楚門
水經注曰葉東界有故城犍縣東至親水達此陽縣界南
北聯聯數百里號爲方城一謂之長城云鄺鄺縣有故城
一面未詳里數號爲長城卽此城之西隅其間相去六百
里北面雖無基築皆連山相接而漢水流其南故屈桓荅
齊桓公亡楚以方城爲城漢水以爲池

郡國志曰葉縣有長城曰方城指此城也

吳地記曰袁山松城晉書曰左將軍袁山松城郡人時爲
吳郡太守隆安五年築此城在滬瀆邊江城之以禦孫恩
圍山松於此城陷害山松城今爲波潮所衝以半毀江中
山松城東夾江又有二城相對閩閩所築以備越處

太平御覽

卷百九十三

七

鄗陽記曰仙人城在縣東南其城皆峭壁危石值千仞自
古呼爲仙人城每天空無雲秋日清澈其上宮殿倉廩歷
歷可見

趙曄吳越春秋曰堯聽四嶽之言用繇修水繇曰帝之遭
天災厥黎及康乃築城造郭以爲國固

淮南子曰崑崙上有層城九重

列女傳曰齊人杞梁殖襄莒戰而死其妻無所歸乃就夫
尸於城下而哭之七日城崩妻遂投淄水而死

郭

說文曰郭廓也郭落在城也

禮記曰正月無置城郭

妨農也

國語曰火見而清風戒寒清風至而修城郭宮室

月令曰孟夏坏城郭

漢書曰馬援所過郡縣治縣城郭

謝承後漢書曰汝南廖扶畢志衡門死塋北郭號曰北郭先生

風俗通曰郭郭也亦大也

莊子曰孔子請顏回曰回來家貧居卑胡不仕乎顏回對曰不願仕回有郭外之田五十畝足以給饘粥郭內之田十畝足以爲桑麻鼓琴足以自娛學夫子之道足以自樂回故不仕矣

魏畧曰秦國石爲城郭

太平御覽

卷二百九十三

八

管子曰內謂之城外謂之郭

焦贛易林曰金城鐵郭上下同力寇不敢賊

王肅表曰夫城之有郭猶裏之有表骨之有皮表裏各異則保障不完皮骨分離則一體不負

壕

釋名曰城下道壕壕郭也都邑之內駟翔祖駕之處也

禮記曰今大道既隱天下爲家各親其親各子其子貨力爲己城郭溝池以爲固謀用是作兵由是起

漢書神農之教曰有石城十仞湯池百步帶甲百萬而無粟不能守

櫓

釋名曰櫓露也露一無覆屋也

孫子兵法曰攻城之法修櫓粉楹其器械三月而後成
陸機曰洛陽城周公所制東西十里南北十三里城上百
步有一樓櫓外有溝渠

太平御覽

卷一百九十三

九

太平御覽卷第一百九十三終

太平御覽卷第一百九十四

居處部二十二

館驛

傳舍

亭

館驛

說文曰館客也從食官聲

周禮曰昌五十里有市市有館館有積以待朝聘之客

廣雅釋官云館舍也桂苑云客也待賓之舍也館開元文

字云凡事之賓客館焉舍也館有積以待朝聘之官是也

客舍逆旅名候館也公館也公宮與公所爲也私館者自

卿大夫以下之家

禮記曰孔子遇舊館人之喪脫驂而賻

太平御覽

卷一百九十四

一

左傳曰敢辱大館

又莊公曰楚令尹子元欲盡文夫人爲館於其側而振萬

焉

萬

又僖上曰改館晉侯饋七牢焉

詩國風鄭緇衣曰適子之館兮還予授子之粢兮

又大雅公劉曰于豳斯館

周禮地官司徒下曰國野之道十里有廬廬有飲食三十

里有宿宿有路室路室有委五十里有市市有候館候館

有積注云候樓館可以觀望也

又曰秋官司寇下云凡諸侯入王則逆勞于畿及郊勞視

館注云視館致館也

又司儀云主君郊勞交擯三辭車逆拜辱三揖三辭拜受車遂三辭再拜致館亦如之注云館舍也使大夫授之君又以禮親致之

又環人云掌送逆邦國之通賓客以路節達諸四方舍則受館

又云至乎國賓入館次於舍門注云次待事於客

儀禮公食大夫禮曰有司卷三牲之俎歸於賓館注云牲之俎正饌尤尊盡以歸尊賓之至

又聘禮曰卿致館注云致至也至此館主人以禮致之所以安之也

又曰厥明訝迎于館注云此訝下大夫以君命迎賓謂之太平御覽
卷一百九十四
二
訝迎亦友弁也

禮記曲禮上云問疾弗能遺不問其所欲見人弗能館不問其所舍

又檀弓上云賓客至無所館夫子曰生於我乎館死於我乎殯

又曰子貢曰於門人之喪未有所脫駢脫駢於舊館無乃已重乎

又曾子問云卿大夫之家曰私館與公所爲曰公館注云云公若今縣之官舍也

左傳莊元年經曰夏單伯送王姬築秋王姬之館於外注

云公在諒闇慮齊侯當親迎不忍便以禮接於廟又不敢

逆王命故改築舍於外也

又曰僖三十年傳云春取濟西田分曹地也使臧文仲往宿於重館重館人曰晉新得諸侯必親其共不速行將無及也

又曰襄三十一年傳云子產相鄭伯如晉晉侯以我喪故未之見也子產使壞其館之垣而納車馬焉士文伯讓之曰弊邑以政刑之不修寇盜充斥是以命吏人完客所館今吾子壞之其若異客何子產曰僑聞文公之爲盟主也宮室無觀臺榭以崇大諸侯之館今銅鞮之宮數里而諸侯之館舍於隸人門不容車不可踰越士文伯不能對晉侯見鄭伯有加禮厚其宴好而歸之乃築諸侯之館

太平御覽

卷一百九十四

三

又曰昭十三年傳云宣子謂叔向曰子能歸季孫乎對曰不能鮒也能乃使叔魚見季孫曰鮒也聞諸吏將爲子除館於西河其若之何且泣平子懼先歸惠伯待禮

又曰叔孫所館雖一日必葺其墻屋去之如始至漢書曰薛宣子惠爲彭城令宣過之橋樑郵驛不修宣知其不能

又郊祀志曰孫卿曰仙人可見上往常遠以故不見今陛下不可爲館如維氏城置脯棗神人可致且仙人好樓居於是上令長安作飛廉桂館甘泉作延壽館

又曰鄭莊置驛以延賓客

又曰公孫弘起徒步數年至宰相封侯於是起客館開東

閣以延賢人與叅謀議

又元后傳曰王莽又知太后婦人鑿居深宮中莽欲娛樂以示其權迺令太后四時車駕巡狩四郊存見孤寡婦人春幸璽館率皇后列侯夫人桑遵霸水而被除

又外戚傳曰成帝許美人在上林鹿館數召入館室中元延二年懷子

漢書敘傳曰述元紀云宮不新館陵不崇墓又揚雄傳長揚賦云張網置罟捕龍豪猪狢獾狐兔麋鹿載以檻車輪長楊射熊館

又羽獵賦云于是禽彈中衰相與集於靖冥之館

魏志曰文昭甄宣后明帝母也后已早廢父逸上蔡令早太平御覽

卷一百九十四

四

卒及明帝卽位追封逸爲上蔡逸敬侯適孫蒙龍爵夢子鸚嗣上爲鸚起大第車駕臨之故

世說曰魏明帝爲外祖母築館于甄氏自行視謂左右曰館當以何爲名侍中繆襲對曰陛下聖恩齊于哲王罔極過於曾閔此館之興情鍾舅氏宜以渭陽爲名

魏書曰帝於後園爲母起觀及宮名其里曰渭陽里

晉書天文志云傳舍九星在莖善上近河賓客之館主胡人入中國客星守之備奸使亦曰胡兵起

宋書文帝本記云帝臨立武館閣武

又隱逸雷次宗傳云徵詣京邑爲築室於鍾山西巖下謂之招隱館

齊書褚伯玉傳云高帝卽位手詔吳會二郡以禮迎伯玉伯玉辭疾上不欲違其志勅于剡白石山立太平館以居之
梁書高祖記云大統七年幸于宮城西立七林館延集學徒置集雅館以招遠學冲虛員經黃帝云黃帝於是於萬機舍寢去直待徹鍾縣減厨膳退而閑居太庭之館齊心服形三月不親政事

漢武帝故事云上自封禪後夢高祖坐明堂羣臣亦夢想於是祀高祖於明堂以配天還作高陵館

郡國志曰台州仙石山有館土謂人之黃公客堂堂兩邊有石步廊觸石雲崇朝必有雨有四竿筴行風吹自成陰
太平御覽 卷一百九十四 五
拂石皆淨郎王方平遊處

荆州圖記云襄陽縣南水行四十里陸道六十里有桃林館

建康地記云顯仁館在江寧縣東南五里青溪中橋東湘宮巷下古高麗使處

西京雜記云公孫弘自以布衣爲宰相乃開東閣營客館以招天下之士其外曰欽賢館以待大賢翹材館以待大材接士館以待國士

又曰梁孝王遊於忘憂之館進諸遊士各使爲賦隱諛易遷館含真臺有女真二人爲主一曰張微子二曰傅禮和晉宮閣名云華林園有繁昌館建康館顯昌館延祚館壽

安館于祿館

班孟堅西都賦云於是天子乃登屬玉之館歷長楊之榭
張平子西京賦曰顧往昔之遺館獲林光於秦餘

又云郡國宮館百四十五石極盤屋并卷鄠鄠

又云豫章珍館揭焉中峙

班婕妤自傷賦曰痛陽祿與枯館

皆宮各生二子處此二館皆失也

乃襪

襪而罹災豈妾人之殃咎兮將天命之不可求也

張衡西京賦曰既新作於迎增雨露與儲胥託高基於山

岡直擗霓以高居

華綜注曰二皆館名

張衡東京賦曰其則有平樂都塲示遠人館龍省盤蛇天
馬半漢

太平御覽

卷一百九十四

六

劉邵趙都賦曰置酒乎黃華之館

左思魏都賦曰營蜜館以周坊飾賓侶之所集

潘尼東都館賦曰東館者蓋東都侯之館也依而遷居謂

餘曰吾將老焉故有終焉之心而無移易之意子且爲我
賦之

傳舍

釋名曰傳傳也人所止息而去後人復來轉相傳無常人
也

史記曰相如爲趙王奉璧使秦王舍之廣成傳舍古縣也

或云秦始皇因爲望海臺

傳載曰鄭審開元中卿殿中侍御史充館驛使令每傳舍

立十二辰候自審始也

亭

釋名曰亭停也人所停集也

風俗通曰謹案春秋國語有寓望謂今亭也民所安定也亭有樓從高省丁聲也漢家因秦大率十里一亭亭畱也今語有亭待蓋行旅宿食之所館也亭亦平也

訟諍史畱辨處勿失其正也

漢書項羽傳曰烏江亭長艤舡待羽

又曰武帝元封元年幸緱氏登太室上聞萬歲聲者三故立萬歲亭

又韓信傳曰信從下爲南昌亭長食

張晏曰下鄉屬淮陰

亭長安苦

太平御覽

卷一百九十四

七

之乃晨炊蓐食

又曰李廣嘗從一騎至霸陵尉醉呵止廣宿亭下

續漢書曰靈帝到下門亭使竇武持節以王青蓋迎入殿中

又曰蔡邕避難在吳告人曰吾昔至會稽高遷亭見竹椽從東間數等十六可以籥取用果有異聲

東觀漢記曰王郎起光武自薊東南馳晨夜光饒陽蕪萋亭時大衆皆飢馮異上豆粥

又曰趙孝父爲田禾將軍孝嘗從長安來欲止亭亭長難之言有貴客過掃灑不欲穢汙地良久乃聽止吏因問曰田將軍子從長安來何時發幾日至孝曰尋到矣

張璠漢記曰楚驪爲天水太官之官與故太守喪會於驪亭堂吏移喪避驪驪讓於正堂關西稱之

謝承後漢書曰倉梧廣信女子蘇娥行宿鵲巢亭爲亭長冀壽所殺及婢致富取財物埋置樓下交趾刺史周敞行部宿亭覺壽奸罪奏之殺壽

列異傳云
鵲奔亭

漢書典職曰洛陽二十四街街亭一十二城城門門一亭魏畧曰從長安至大秦人民連屬十里一亭

魏書曰元皇后以漢延嘉三年二月生齊郡白亭有黃氣滿室移日不散

吳志曰孫權將如吳親乘馬射虎凌亭馬爲虎所傷權投以雙戟虎卽廢

太平御覽

卷一百九十四

八

又曰太史慈與劉繇住縣立屯府大爲山越所附孫策躬自攻討遂見囚報策卽解縛捉其手曰寧識神亭戰時耶若卿爾得我云何慈曰未可量也策大笑

王隱晉書曰徐苗字叔胄高密淳于人也曾祖祖至行感靈夜有神人告亭欲崩苗出亭崩得免

又曰王羲之初度江會稽有佳山水名士多居之與孫綽許詢謝尚支遁等晏集於山陰之蘭亭

崔鴻十六國春秋曰慕容垂請入鄴城拜廟符丕許之乃潛服而入亭吏禁之垂怒斬吏燒亭而去

沈約宋書曰孔甯子與王華並有富貴之願自徐羨之等秉權日夜搆之於太祖且甯子常東歸至金長亭左右欲

泊船甯子命去之曰此殺君庭不可泊也

又曰徐湛之爲廣陵郡守善爲政威惠並行廣陵城舊有高樓湛之更加修整更起風亭目觀吹臺琴室果竹繁茂樂成行

帝王世紀曰桀敗於鳴條之野案孟子舜卒鳴條乃在東夷之地或言陳留平丘今有鳴條亭在安邑之西

世說曰過江諸人每至暇日輒相要出新亭籍卉飲宴周顛在亭而嘆風景不殊舉目有江河之異皆相視流淚惟丞相愀然變色曰當共戮力王室克復神州何至作楚囚相對泣耶

夢書曰亭爲積功民所成也夢築亭者功積成也夢亭壞

太平御覽

卷一百九十四

九

敗思澤傷也

韋耀雲陽賦曰八卿九市亭侯三六列樹表塗路有盧宿丹陽記曰京師三亭新亭吳舊亭也故基淪廢丹陽尹司馬恢移創今地謝石創征虜亭三吳摺紳亭並太元中尋陽記曰稽亭北瞰大江南望高岳淹留遠客因以爲名焉

劉楨京口記曰劫亭湖亭通江湖陵郡治丹徒縣八縣來往經過此湖中多劫於邊立亭因以爲名

裴淵明廣州記曰尉佗築臺以朔望升拜號爲朝拜臺傍江構起華館以送陸賈因稱朝亭

永嘉記曰樂城縣三京亭此亭是祖送行人之所

王韶之始興記曰洵水源有堯山長嶺衛亘遠望如陣雲山下有平隴陵上有古大堂基十餘處雖已夷漫而猶可識謂曰堯故亭父老相傳堯南巡登北山故亭卽其行宮三齊畧記曰曲城齊城東有萬歲水水北有萬歲亭漢武帝初造

伏琛齊地記曰平壽城西北有平望亭亦莊子仁義者先生之蘧廬也注傳舍也

華延攜洛陽記曰城內都亭華林奉常廣世昌益廣莫定陽遮要暴室廣陽西明萬歲文陽東明視中東因建奉止奸得宮東陽千秋安衆孝敬清明二十四亭河陰界東出戶鄉亭南泉亭街郵亭

太平御覽

卷一百九十四

十

孔晷會稽記云江夏太守宋輔於重山南白樓亭立學教授

又曰郡國志云沛國桓巖避地至會稽聞陳業賢而往候之不見臨去入交州留書繫白樓亭柱而別

鄱陽記曰白雲亭在縣西南旁對於越亭而峙焉跨古城之危輒長江之深隋州刺史劉長卿題詩曰孤城上與白雲齊因以白雲爲名

豫章記曰徐孺子墓在郡南十四里曰白社亭吳加禾中太守長沙徐熙于墓隧種松太守南陽謝景於墓側立碑永安中太守梁郡夏侯嵩於碑邊立思賢亭松碑亭今並在松大合抱亭世世修治至今謂之謝君亭

越絕書曰女陽亭者勾踐入宦於吳夫人從道產女於亭
養于攜李謂之女兒鄉

郡國志皇甫謐云鳴條之野立鳴條亭

又曰涼州侯馬亭貳師伐大宛得犬馬感西風頓羈而逸
至燉煌北塞下鳴而去二師侯於此遂名之

又曰韶州潼溪里有三楓亭

又曰齊州周首亭卽埋長秋喬如首於山西是也

又曰冀州華陽亭卽稽康夜學琴於此

又曰幽州督亢亭卽荆軻以地圖獻秦處

又曰柳州武丁岡有欒亭卽太守欒巴所建也

又曰柯亭一名千秋亭又名高遷亭會稽記云漢議郎蔡

太平御覽

卷一百九十四

士

邕避難宿於此亭仰觀椽竹有奇響因取爲笛果有異聲
又曰潤州覆舟山有閩風亭

襄江記曰峴山亭在襄陽縣東一十里今基跡尙存

兩京新記曰西京苑內有望雲亭鞠場亭柳園亭貞興亭
神臯亭園桃亭臨渭亭永泰亭南昌園園北昌國亭流杯
亭青門亭卽邵平種瓜之所也

又曰東京上陽宮有曜掌亭九州亭

又曰東都苑內有金谷園凝碧池

建安記曰止馬亭在飛猿嶺口馬之登降於此止息故名
之

高允塞上公亭詩序曰延和三年余赴京師發石門北行

失道路寓宿代之快馬亭其俗云古塞上翁所遺之邑也
公曰有良馬因以命之此其所遺也負長城而面南山皋
潭帶其側湧波灌其前停駢策以流目抱遺風以依然仰
德音於在昔遂揮毫以寄言代人云塞上公姓李代之李
氏並其後也

潘岳傷弱子曰惟元康二年春三月壬寅弱子生夏五月
余之長安壬寅至於新安之千秋亭甲辰而弱子失越翼
日乙巳瘞于亭

太平御覽

卷一百九十四

七

太平御覽卷第一百九十四終

太平御覽卷第一百九十五

居處部二十二

逆旅

途

巷

逆旅

左氏傳僖公上曰苟息假道於虞曰今號為不道保於逆旅以侵弊邑之南鄙
史記曰師尙父東就國道速行遲逆旅之人曰吾聞時難得而易失客寢處安殆非就封者也太公聞之夜衣之而行至國萊侯來伐與之爭營上

太平御覽 卷一百九十五 一

漢武帝故事曰上嘗至柏谷夜投亭宿亭長不內乃宿於逆旅逆旅翁謂上曰汝長夫多力當勤種稼穡何忽帶劍羣聚夜行動衆此不欲為盜則淫耳土默然不應因乞漿飲翁曰吾止有濁無漿也有頃還納上使人覘之見翁方要少年十餘輩皆持弓矢刀劍令主人嫗出安過客嫗歸謂其翁曰吾觀此丈夫乃非常人也且亦有備不可圖也不加因禮之其夫曰此易與耳鳴鼓會衆討此羣盜何憂不克嫗曰安之令其眠乃可圖也翁從之時上從者十餘人既聞其謀皆懼勸上夜去上曰去必致禍不如且止以安之有頃嫗出謂上曰諸公子不聞主人翁言乎此翁好飲酒狂悖不足計也今日且令公子安眠無他嫗因還內

時天寒嫗酌酒多與其夫諸少年皆醉嫗出謝客殺雞作食平明時上去是日還宮乃召逆旅夫妻見之賜嫗金十斤其夫爲羽林郎自是懲戒希復微行百聞之報讎而續漢書五行傳曰靈帝數遊戲於西園中令後宮采女爲客舍主身爲商賈服行至舍采女下酒食因共飲食以爲戲樂

東觀漢記曰第五倫自度仕宦牢落遂將家屬客河東變易姓名自稱王伯齊常與奴載鹽北至太原販賣每所至客舍去輒爲糞除道上號曰道士開門請求不復責舍宿

太平御覽 卷一百九十五 二
范曄後漢書曰周防字偉公父楊少孤微常修逆旅以供

過客而不受其報

郭林宗別傳曰林宗每行宿逆旅輒躬洒掃及明去後人目見之曰此必郭有道昨宿處也

晉書曰桑虞嘗行寄逆旅同宿客失脯疑虞爲盜虞默然無言便解衣償之主人曰此舍數失魚肉雞鴨多是狐狸偷去君何以疑人乃將脯主至山家間尋求果得遺脯以衣之虞虞投之不顧

說苑曰鄭桓公會封於鄭暮夜於宋東之逆旅之叟從外來曰客將焉之曰會封於鄭逆旅之叟曰聞之時難得而易失也今客之寢安殆非就封者也鄭桓公聞之援轡自駕行十日十夜至卽有與之爭封者

楚辭七諫曰路室女之方乘路室孔子過之以自侍子出

遊過於舍其女方採葉一心不視善其貞信故以自侍

潘岳客舍議曰被下尚書敕客舍廢農奸淫亡命敗亂法度皆當除壞十里安一官舍老小民使守之又差吏掌王依官舍收錢數春農事興求須冬閑謹案客舍逆旅久矣其所由來矣行者賴其頓止居者薄收其直交易買遷各得其所官無役賦而因民利成惠加百姓而公無所費語曰許由此帝堯之命而舍於逆旅自唐到今未有不得舍容之法謂志樂

道路

爾雅曰廟中路謂之唐一達謂之道路二達謂之岐旁三

太平御覽

卷一百九十五

三

達謂之劇旁

今南陽九里樂鄉數道交錯道俗呼之五劇鄉

四達謂之衢交道五

達謂之康六達謂之莊七達謂之劇驂

三道交復一道岐出者海北劇縣有

此道八達謂之崇期

四道交出

九達謂之達

四道交出復有旁通

又曰大路謂之奔

說文曰一達謂之道路又曰虺九達道也似龜背故謂之

虺

易曰艮爲徑路王虞注曰物始故爲徑

又曰何天之衢道大行也

又曰憧憧往來朋從爾思

詩曰道之云遠曷云能來

又曰行道遲遲中心有違

又曰蹶蹶周達鞠爲茂草

又曰道阻且躋

升

又曰周道逶遲

歷遠

又曰周道如砥

真賦 均平

又曰有杵之杜行彼周道

又曰遵大路兮參執子之袂兮

又關雎兔置曰肅肅兔置施于中逵

周禮夏官曰合方氏掌達天下之道路

又司險掌九州之圖以周知其山林川澤之阻而達其道
路

又夏官侯人曰各掌其方之道治

太平御覽

卷一百九十五

四

禮記檀弓曰哀公使人弔黃尙遇諸道辟於路畫宮而受
弔焉

哀公魯君也 畫宮蓋地也 呂衆

曾子曰黃尙不如杞梁之妻之知禮也

又月令曰三月開通道路

又曰道路男子由右婦人由左車從中央

左傳曰公孫闞與潁考叔爭車潁考叔挾軻以走子都拔
戟以逐之及大逵弗及子都怒

又曰盟諸五父之衢

史記曰文帝行至覆陵慎夫人從上示慎夫人新豐道曰
此走邯鄲道也

東觀漢記曰逢萌被徵道上迷不知東西云朝廷所以徵
我者爲聰明睿智有益於政方面不知安能濟政卽駕而

歸

國語曰夫辰角見而除道故夏令曰九月除道

賈逵注曰辰角大辰

食龍之龍河星各也

家語曰武王克商通道于九夷八蠻

魏晉春秋曰阮籍有時率意獨行不由徑路車路所窮輒慟哭而返

陸機洛陽記曰宮門及城中大道皆分作三中央御道兩邊策上牆高四尺餘外分之唯公卿尚書章服道從中道升人皆行左右左入右出夾道種榆槐樹此三道四通五達也

淮南子曰楊朱見岐路而哭曰可以南可以北

太平御覽

卷一百九十五

五

又曰聖人之道如衢設罇過者斯酌之

博物志曰文王以太公爲灌壇令其年風不鳴條文王夢一婦人甚麗當道哭問其故曰我東山女嫁爲西海婦行必以暴風雨今灌壇令當道有德吾不敢以風雨過也

十洲記曰四面山乃天帝君之城域仙真之人出入道經自一路從邪平山東南入穴中乃到鍾山北阿門外也天帝君總九天之維貴無比焉

崔豹古今輿服注曰警蹕所以戒徒行蹕路也謂行者警

於途路

列子曰堯治天下未卽天下治歟不治歟微服遊於康衢

聞兒童謠曰立我烝民莫匪爾極

任豫益州記曰汪油左擔道案圖在陰平縣北於城都爲

西

其道至阻自北來者擔任左肩不得度擔也

鄧艾束馬縣車處

郡國志曰雍州馳道在道化門東北十里

又曰朱超石與兄書曰洛下道路本好青槐蔭映可愛

列子曰楊子之鄰人羊既率其黨又請楊子之豎追之楊子曰亡一羊何追者衆曰多岐路既反問獲羊乎曰亡之矣岐路之中又有岐焉吾不知所之而反楊子曰大道以多岐以羊學者以多方喪之

韓子曰魯以五月起衆爲長溝子路私爲漿飲要作溝者於五甫之衢孔子譏其不知禮也

楚辭曰心不怡之長久憂之以相接惟郢路之遼遠兮江

太平御覽

卷一百九十五

六

與夏之不可涉

古樂府詩曰相逢夾路間道隘不容車

古詩曰驅車駕言邁悠悠涉長道

馳道

史記賈山曰秦爲馳道東窮燕齊南極吳楚道廣五十步

三丈而樹厚築其外隱以金譙

以鐵錐築之隱於斬反

樹以青松十

里一亭亭有長十亭一鄉鄉有三老有秩耆夫游徼三老

掌教化耆夫職聽訟收賦稅游徼徼循盜賊秦制也

漢書白江充出逢館陶長公主行馳道中充聞之公主曰

有太后詔克曰獨公主得行車騎皆不得盡劾沒入官充

從主甘泉逢太子家使乘車馬行馳道中充以屬吏太子

聞知使人謝充曰非寡車馬誠不欲令上聞之以教教下
素者唯江君寬之充不聽遂白奏上人臣當如是矣大見
信用威震京師

又曰惠帝爲東廟長樂宮作複道方築高帝廟南叔孫通
曰陛下何築複道高帝寢衣冠月出遊高廟奈何令子孫
宗廟道上行哉惠帝懼曰急壞之道曰人主無過舉今已
作百姓皆知願陛下爲原廟渭北衣冠月遊之益廣宗廟
大孝本也帝從之

又曰元帝卽位成帝爲太子常召太子出龍樓門不敢
絕馳道至直城門得絕乃度上遽之問其故以狀對上乃
令太子被召得絕馳道

太平御覽

卷一百九十五

七

又曰上居維陽南宮從複道望見諸將往往數人偶語上
曰此何語良對曰陛下不知乎此讎反耳上曰天下屬安
定此屬何故而反良曰陛下與此屬取天下今陛下已爲
天子而所爲封皆蕭曹故人所誅者皆平生仇怨今軍吏
計功天下不足以徧封又恐見疑過失及誅故相聚謀反
耳上乃憂曰今將柰何良曰上平生所憎羣臣所共知誰
最甚上曰雍齒與我有故數窘辱我良曰今急先封雍齒
以示羣臣則人人自堅矣于是置酒封雍齒爲什方侯而
急趣丞相御史定功行封羣臣皆喜曰雍齒且侯我屬無
患矣

易震卦曰震大塗

王與注曰大塗萬物所出

論語陽貨曰道聽而塗說德之棄也

爾雅曰堂塗謂之陳路依塗

呂氏春秋曰孔子用魯三年男行乎塗左女行乎塗右財物之遺者民莫之舉

司馬相如上林賦曰長塗中宿

史記曰商鞅相秦孝公壞井田開阡陌

漢書游俠傳曰原涉廼太治冢舍周閣重門初武帝時京兆尹曹氏莖茂陵民謂其道爲京兆阡涉慕之乃買地闢道立署門曰南陽阡人肯從謂之原氏阡

太平御覽

卷一百九十五

八

趙書曰佛圖澄建武末卒塋鄴西紫陌先造生墓已數年矣

三輔故事曰文王武王周公召公皆塋畢陌南北

唐俗通曰南北曰阡東西曰陌

曹植詩曰東西經七陌南北越九阡

陸機詩曰廻渠繞曲陌通波扶直阡

街

說文曰街四通道也

漢書曰張敞無威儀罷朝會走馬章臺街

增曰在長安建章臺下街也

郡國志曰雍州司天臺西北有香室街

又曰夕陰街在右扶風南

東觀漢記曰建武時天下懇田皆不實詔下州郡檢覈時州郡各遣使奏事帝見陳留吏牘上有書視之云潁川弘農可問河南南陽不可問帝詰吏言於長壽街得之漢官典職曰洛陽有二十四街街一亭

華氏洛陽記曰兩銅馳在宮之南街東西相對高九尺漢時所謂銅馳街洛陽文曰有街一三輔故事曰太上皇在長安香街南高廟在長安城門街東太常街南

漢宮殿疏曰長安有八街九市風俗通曰京師有長壽街萬歲街士馬若此非一街者雋也離也四出之路雋離而別

太平御覽 卷一百九十五 九

巷 巷門外也 毛詩緇衣曰子之丰兮俟我乎巷兮

又曰叔于田巷無居人叔于狩巷無飲酒叔適野巷無服馬

又曰姜嫄始生后稷誕置之隘巷牛羊腓字之

論語孔子曰賢哉回也一簞食一瓢飲在陋巷人不堪其

憂回也不改其樂

爾雅曰宮中街謂之壺

漢書曰陳平家貧負郭窮巷以弊席為門門外多長者車

轍

晉書曰紀瞻性靜默少交遊好讀書或手自抄寫凡所著

述詩賦賤表數十篇兼解音樂殆甚妙厚自奉養立宅於
烏衣巷館宇崇麗園池竹木有足賞翫焉

丹陽記曰七戰巷者庾亮與蘇峻戰宣陽門外峻初小退
尋復來攻交戰者七亮乃南奔故有此名

南君書曰窮巷多怪曲學多辨也

尸子曰舜之方陶不能利其巷也及南面而君天下蠻夷
皆被其福

太平御覽

卷一百九十五

十



太平御覽卷第一百九十五終

居處部二十四

苑囿

風俗通曰苑蘊也言薪蒸所蘊積也

又曰囿者畜魚鼈之處也囿猶有也

說文曰苑有園曰囿一曰養禽獸曰囿

毛詩文王靈臺曰王在靈囿麀鹿攸伏

左傳僖上曰齊侯與蔡姬乘舟于囿蕩公公懼變色禁之不可公怒歸之未絕蔡人嫁之

又成下曰十八年秋築鹿囿書不時也

又曰冬築郎囿書時也季子欲速成叔孫昭子曰焉用速

太平御覽

卷二百九十六

一

成其以勸民也無囿猶可無民其可得乎

又曰鄭之有原圃猶秦之有具囿注皆囿名也

毛萇詩注曰囿所以養禽獸天子百里諸侯四十里

大戴禮曰正月祭萑囿

周官曰囿人掌囿遊之獸禁鄭玄注云囿游囿之離宮小苑遊觀處也禁者其蕃衛也囿游之獸遊牧之獸也

史記曰漢二年東畧地諸故秦苑囿園池皆令民田之

又滑稽傳曰秦始皇欲大苑囿東至函谷關西至陳倉優旃曰善多縱禽獸於其中寇從東方來令獸觸之足矣始

皇以故輟止

又蕭相國請曰上林中空地願令民得田苑中上大怒

曰相國多受民財乃爲民請吾苑乃下廷尉械繫數日王
衛尉侍曰便於民而請真宰相事陛下距楚數歲陳豨黥
布反上自繫之當是時相國守關中搖足則關已西非陛
下有也相國不此時爲利今乃利買人之金乎陛下何疑
於是使持節赦出何徒跣上謝曰休矣相國爲民請吾苑
吾不許我不過爲桀紂主而相國爲賢耳

漢書曰武帝好微行後南山下乃知帝爲行數出也然尙
迫於太后未敢遠出丞相御史知旨乃使右輔都尉徵循
長楊以東右內史發小民供待會後乃私置更衣從宣曲
以一十二所中休更衣宣曲宮名投宿諸宮長楊五柞倍楊宣

曲尤幸於是上以爲道遠勞苦又爲百姓所患乃使大中

太平御覽

卷百九十六

一一

大夫無巨壽王待詔能月筭者一人舉籍阿城以南蓋屋

以東宜春以夏隄封頃畝及其賈直欲除以爲上林苑屬

之南山又詔中尉左右內史表屬縣草困欲以償時東方

朔在旁進諫曰臣聞謙遜靜愆天表之應應之以福驕益

靡麗天表之應應之以異今陛下累卽臺恐其不高也弋

獵之處恐不廣也如天不爲變則三輔之地盡可以爲苑

何必蓋屋鄠杜乎奢侈起制天爲之變上林雖小臣尙以

爲大也夫南山天下之阻也南有江淮北有河渭其地從

汧隴以東商雒以西厥壤肥饒漢與去三河之地止霸產

以西都涇渭之南此所謂天下陸海之地秦之所以虜西

戎兼山東者也其山出玉石金銀銅鐵豫章檀栢異類之

物不可勝原此百工所取給萬民所足也又有稅稻梨栗
桑麻竹箭之饒土宜薑芋水多蠅魚貧者得以人給家足
無饑寒之憂故鄴鎬之間號爲土膏其賈畝一金今規以
爲苑絕陂池水澤之利而取民膏腴之地上乏國家之用
下奪農桑之業弃成功就敗事損耗五穀是其不可一也
且盛荆棘之林而長養麋鹿廣狐兔之苑大虎狼之墟又
壞人家墓發人室廬合幼弱懷土而思耆老泣涕而悲是
其不可二也斤而營之垣而固之馳騎東西車驚南北又
有深溝大渠夫一日之樂不足以危無隄之輿謂天子富貴無隄限
是其不可三也故務苑囿之大不恤農時非所以強國富
人也夫殷作九市之宮而諸侯叛靈玉起章華之臺而楚
太平御覽 卷百九十六 三

民散秦興阿房之殿而天下亂糞土愚臣忘生觸死逆盛

意犯隆指罪當萬死不勝大願陳泰階六符孟康曰泰階三台也每台

而二星凡六星之符六星符驗也應劭曰黃帝泰階大符經曰泰階者天之三階也上階爲天子中階爲諸侯公卿

大夫下階爲庶人上階上星爲男主下星爲女主中階上星爲諸侯三公下星謂爲卿大夫下階上星爲元士下星

爲庶人三階平則陰陽和風雨時社稷神祇咸獲其宜天下大安是謂太平以觀天變不可不

省是日因奏泰階之事上乃拜朔爲大中大夫給事中賜

黃金百斤然遂起上林苑

又曰武帝建元三年微行其始出北至池陽西至黃山南

獵長楊東遊宜春皆宮觀名八九月中侍中常侍武騎及待詔

隴西北地良家能騎射者期諸殿門故有騎門之號自此

始也日一入山下馳射鹿豕狐兔手格熊羆鴛禾稼稔稻

之地民皆號呼罵詈也

又曰宣帝神爵三年起樂遊苑三輔黃圖云在社稷

又曰元始元年罷安定呼池苑以爲安民縣

又曰枚乘說吳王曰漢上林離宮積聚玩好圍守禽獸不如長洲之苑游曲臺臨上路不如朝夕之池

又曰戾太子旣冠就宮爲立博望苑以通賓客

范曄後漢書曰永初六年春正月庚申詔越雋置長利高望姑昌三苑又令益州置萬歲苑犍爲置漢平苑

又曰延熹二年初造昆陽苑置丞尉

又曰安帝永初元年以廣成游獵地假與貧民廣成苑名在汝州

太平御覽

卷百九十六

四

又曰靈帝光和三年作罩圭靈毘苑

罩圭苑有二東罩圭苑一十五百步中有

無梁蓋西苑周三百三十步並在洛陽宣平門外

又曰露帝光和五年始置圃圍署以宦者爲令

又曰楊賜爲少府光祿勳代劉郃爲司徒地欲造罩圭靈

現之苑賜上疏諫曰竊聞使者並出規度城南人田欲以

爲苑昔先王造苑囿裁足以修容三驅之禮薪萊芻牧皆

悉往焉先帝之制左補鴻也右作上林不奢不侈以合禮

中今猥規郊城之地以爲苑囿壞沃衍廢田園驅居人畜

禽獸殆非所謂若保赤子之義今城外苑已有五六所可

以逞情意順四節也宜爲夏禹卑宮太宗露臺之義以慰

不人之勞書奏帝意欲止以問侍中任芝中常侍松等曰

昔文王之囿百里人以爲小齊宣七十里人以爲大今與百姓共之無害於政也帝悅遂令築苑

漢官典職曰宮內苑聚土爲山十里九坂種奇樹育麋鹿麇鹿鳥獸百種激上河水銅龍吐水銅仙人銜杯受水下注天子乘輦遊獵苑中

漢舊儀曰上林苑中廣長二百里置今丞左右尉苑中養百獸天子遇秋冬獵射苑中取禽無數其中離宮七十所皆容千乘萬騎

又曰武帝時使上林苑中官奴婢及天下民貧之不滿五十萬徙置苑中入日五錢到帝七十億萬以給軍擊西域續漢獻帝紀曰昭興元年董卓住兵屯陽苑使者就拜司

太平御覽

卷二百九十六

五

空

續漢書百官志曰上林苑令一人六百石主苑中禽獸

東觀漢記曰桓帝延熹元年初置鴻德苑

張璠漢記曰梁冀多設苑囿西至弘農東至滎陽南入魯陽北到河淇周旋千里

崔鴻十六國春秋後趙錄曰趙王八年春正月立桑梓苑於襄國

又後燕錄曰慕容熙築龍勝苑廣袤十餘里役二萬人又起景靈山苑內基廣五百步峯高十七丈又起逍遙宮甘露殿連房數百觀門相交鑿天河渠引入宮

晉官閣名曰洛陽有洪德苑靈崑苑平樂苑

河南十二境簿曰河南縣有鹿子苑洛陽城西有桑梓苑孟子曰齊王問孟子曰文王之囿方七十里有諸若是其大乎孟子曰民猶以爲小也王曰寡人囿方四十里民以爲大何也曰文王之囿芻蕘雉兔者往焉與民同之民以爲小宜矣王之囿殺麋鹿者如殺人之罪是以四十里爲寡也民以爲大不亦宜乎

呂氏春秋曰昔先王之爲苑囿園池足觀望勞形而已矣非好儉節乎性也

陶季直京記曰覆舟山周迴三十里有林名曰水苑

又曰建康縣北吳朝爲桂林苑

南朝宮苑記曰樂游苑在覆舟山南北連山築臺觀苑內

太平御覽

卷二百九十八

六

起正陽林光等殿

又曰桂林苑在洛星山之陽吳都賦云數車實于桂林之苑卽此也

又曰芳林苑一名桃花園本齊高帝舊宅在廢府城東邊秦淮大路北齊王融作曲水詩序載懷平浦乃瞻芳林卽此也

又曰南苑在臺城南鳳臺山宋孝武以南苑地給張永云且給三百年期記更啟卽此也

渚官故事云湘東王於子城中造湘東苑穿池構山長數百丈植紅蓮綠蒲樹以奇木其上有通波閣跨水爲之南有芙蓉堂東有禊飲堂堂後有隱士亭北有正武堂堂前

有射棚馬埕其西有鄉射堂堂行棚可得移動東南有連理大清河王此連理當時以爲湘東踐祚之瑞北有映月亭修竹堂臨水齋前有高山山有石洞潛行宛委二百餘步山上有陽雲樓極高峻遠近皆見北有臨風亭明月樓顏之推云屢陪明月宴並將軍扈義熙所造

三輔黃圖曰宮二觀十四在甘泉苑垣內甘泉苑起仙人觀

石虎鄴中記曰鄴城西三里桑梓苑有宮臨漳水凡此諸宮皆夫人侍婢又並有苑圍獐鹿雉兔虎數遊宴其中西京雜記曰廬陵王胥有勇力恒於別園學格熊羆後遂能空手搏之

太平御覽

卷百九十六

七

又曰樂遊苑自生玫瑰樹樹下多苜蓿

又曰文帝爲太子立思賢苑以招賓

又曰梁孝王好宮室苑囿之樂作曜華之宮築兔園園中有白室山山上有虜寸石落猿岩棲龍岫又有雁池池間有鶴州鳧渚宮館相連延亘數里奇果異樹瑰禽怪獸靡不畢備王與宮人賓客弋釣其中

韓子曰秦大飢應侯請發五苑果棗粟以活民王曰秦法賞有功誅有罪令發五苑是有功無功俱賞也

禮稽命徵曰內外之制各得所其四方之事無有畜滯則麟其遊園六畜繁多天苑有德星應

白虎通曰苑囿所以在東方何苑囿養萬物者也東方所

以生也

戰國策曰張儀說韓王曰大王不助秦鴻臺之宮樂林之苑非韓之有也

拾遺記曰黃帝爲養龍之園

洞冥記曰北及玄坂去空同十七萬里日月不至其地自明有紫河萬里流洙千丈中有寒荷霜下方香茂也北有潰陽之山有兔如鼠能飛毛色光如漆以腦和丹食則不死帝使放兔於昭祥苑苑在甘泉宮西周千里萬國獻異物皆集此中

三輔黃圖曰甘泉苑起仙人觀緣山谷行至雲陽三百八十里入右扶風周迴五百四十里

太平御覽

卷百九十六

入

兩京記曰東宮有九殿禁苑在宮城之北苑中有四面監分掌宮中種植及修緝又置苑惣監都統並屬司農等又曰東都苑隋曰會通苑又改爲芳華

又曰神都苑周迴一百二十六里東面七十里南面三十九里西面五十里北面二十四里

太平御覽卷第一百九十七

居處部二十五

園圃

園

牢

藩籬

華表

園圃

說文曰園樹果圃樹菜

易曰賁於丘園束帛芟芟

毛詩曰園有桃其實之穞

又曰折柳樊圃

周禮曰場人掌國之場圃而樹之果蔬珍異之物以時斂

太平御覽

卷一百九十七

一

而藏之凡祭祀賓客供果蔬享亦如之注云果棗栗之屬
蒹瓜瓠之屬珍異蒲桃枇杷之屬

又曰太宰九職二曰園圃毓草木

又曰園廛二十而一注云以利少故二十而稅一也廛城
市中空地

又曰圃以樹事貢草木謂瓜葵韭

論語曰樊遲請學爲圃子曰吾不如老圃

史記曰梁有漆園楚有橘柚園

又曰王剪爲秦將伐楚請善田宅園池其衆

漢書曰始曹參徵時與蕭何善及爲宰相有隙至何將死
所推賢唯參參代何爲相國舉事無所變更一遵何之約

東擇郡國吏長大訥於文辭謹厚長者卽召爲丞相史史之刻深欲務聲名輒斥去之日夜飲酒卿大夫以下吏及賓客見參不事事來者皆欲有言至者參輒飲以醇酒度欲有言復飲酒而後去終莫得關說以爲常相舍後園近吏舍吏舍日飲歌呼從吏患之無如何乃請參遊後園聞吏醉歌乎吏相幸怒召按之乃反取酒張坐飲大歌呼與相和參見人之有細過掩匿覆蓋取之府中無事

又曰董仲舒廣川人也治春秋孝景時爲博士下帷講誦弟子傳以久次相授業或莫見其面蓋三年不窺園圃其精如此

後漢書曰法貞隱大澤講論藝術歷年不窺園圃也

太平御覽

卷百九十七

二一

又曰竇憲以賤直請奪必水公主園主畏逼不敢言後肅宗駕出遊過園指以問憲憲不得對後發覺帝大怒責憲曰貴主尙見侵奪何況小人哉國家棄憲如狐雛腐鼠耳憲大震懼

魏志曰顏斐字文林爲京兆守于府下起菜園使吏投簡鋤治也

晉書曰苑汪好學外氏家貧無以資給汪乃廬于園中布衣蔬食然薪寫書寫畢誦讀亦遍遂博學多通善談各理又曰華廩旣廢黜武帝後又登凌雲臺望見廩苜蓿園阡陌甚整依然感舊太康初大赦乃得襲封久之拜城門校

尉遷左衛將軍數年以爲中書監

又曰和嶠性至儉家有好李帝求之不過數十王濟侯其上直率少年詣園共啖畢伐樹而去

王隱晉書曰涼州牧張駿增築四城箱各千步東城殖園果命曰講武場北城殖園果命曰立武圃皆有宮殿

宋書曰柳元景多產業居南岸有數十畝菜園時有人求之或畱錢元曰本立園自爲供吃豈求利耶

齊書曰世祖太子性頗奢麗宮內多雕飾精綺過于王宮開柘立圃園與臺城北塹等其樓觀塔宇多聚奇石妙極山水慮上宮望見乃傍列修竹內施高鄣造遊牆數百間施諸機巧宜須鄣蔽以晉明帝爲太子時立西池乃啟世祖引前例求于東田起小苑上許之窮極制度

太平御覽

卷百九十七

三

陳留耆舊傳曰范州學通三經常自任灌園

向秀別傳曰秀與呂安灌園於山陽收其餘利以供酒食之費

莊子曰子貢過漢陰見一丈人爲圃畦鑿隧而入抱瓮而出灌子貢曰有械于此一日浸百畦用力甚寡而見功多子貢不欲乎爲圃者仰而視之曰奈何曰鑿水爲機後重前輕挈水若拙其名爲桔槔圃者忿然作色而笑曰吾聞之吾師有機械者必有機事有機事者必有機心機心存於胷中則純白不備純白不備則神生不定神生不定者道之所不載也吾非不知蓋不爲也子貢告孔子孔子曰假修渾沌之術者也

雜記曰於陵子辭卿相而桔槔灌園

又曰戴宏爲河間相自免歸而灌蔬以經教授也

西京雜記曰茂陵富人袁廣藏鏹巨萬家僮八九百人於邱山下築園東西五里百步激流水注其內構石爲山高十餘丈連延數里養白鸚鵡紫鴛鴦旄牛青兕奇禽怪獸委積其間聚沙爲洲激水爲波湖其中江驅海鷁乳雛產鰕延漫林池奇樹異草靡不具植屋皆徘徊連屬重閣修廊行之移晷不能徧廣有罪誅沒入爲園鳥獸草木禽移上林苑中

又曰樂遊園白生玫瑰樹樹下多苜蓿苜蓿亦名懷風時人或謂光風風在其間常肅肅然日照其花有光彩故名

太平御覽

卷百九十七

四

苜蓿曰懷風茂陵謂之連枝草

又曰梁孝王兔園有落緩岩棲龍岫雁池鶴洲鳧渚宮觀相屬

隋圖經曰史記謂孝王築東苑方三百里是曰兔園

王褒雲陽記曰車箱陂下有黎園一頃樹數百株青翠繁密望如車蓋

水經注曰睢水東南流入于竹圃水次綠竹蔭渚寺青彌望世人言梁王竹園也

又曰立瓠灣中地數頃有栗園栗小殊不並固安之實也然歲貢三百石以充天府水者卽栗洲樹木高茂望若屯

雲中有栗堂甚閑敞牧宰英彥多所游薄

魏志曰有芳林園桐園芳林後避少帝諱改爲華林晉宮閣名靈芝園鄴有鳴鶴園蒲萄園華林園

司馬彪續漢書曰濯龍園在洛陰西北角也

郭仲產仇池記曰城東有百荷園

列女傳魯漆室之女曰昔有客繫馬園中馬逸踐葵使子終歲不飽葵

淮南子曰園有蝥毒葵藿爲之不採

陳留記曰園庾襄邑人也庾始居園中故代謂之園公

天文要集曰庖瓜爲天子果園又天園主果實茹蓄儲

又曰芙蓉園本隋氏之離宮居地三十頃周廻十七里貞觀中魏王泰死又賜東宮今屬家合寺園中廣廈修廊連

太平御覽

卷一百九十七

五

綿屈曲其地延袤塏跨帶原隰又有修竹茂陵緣被岡阜東坂下有涼堂堂東有臨水亭按黃曇曲池漢武所造周廻五里池中遍生荷芰菰蒲其閒禽魚翔泳宣帝立廟曲池之北名曰樂遊廟卽今昇平坊內基趾是也此在秦爲宜春苑在漢爲樂遊苑宇文愷營建京城之羅城東南地高不便故缺北頭一坊餘地穿入芙蓉池以虛之郡國志云西夷有荔枝園樊僮施夷皆最賢者古所謂樊僮之富多以荔枝爲業園植萬株樹收一百五十斛隋圖經曰司竹園在盩厔縣東十三里穆天子西征至玄池乃植竹卽此是也

史記曰渭川千畝竹漢謂鄠杜竹林故有司竹都尉西都

賦所謂鄂杜濱其足竹林果園芳草甘木也

圈

史記曰竇太后好黃老書召袁固問老子書固曰此家人言耳太后怒曰安得司空城旦書乎乃使固入圈擊豕漢書曰孝武帝作建章宮度爲千門萬戶其西則數千里虎圈

又曰李禹有寵於太子然好利亦有勇嘗與侍中貴人飲侵陵之莫敢應後愬之上詔禹使制虎縣下圈中未至地有詔引出之禹從絡中以劍絕纜欲刺虎

纜索也謂繼絡而下也

三輔故事曰師子園在建章宮西南

列女傳曰秦石公子無忌無忌不行使朱亥奉璧秦王大

太平御覽

卷百九十七

十六

怒將朱亥著虎圈中亥瞋目視虎虎不敢動

郡國誌曰雍州虎圈在通化門東二十五里秦王置朱亥于其中亥瞋目虎不敢動

漢文帝問上林尉處及馮婕妤當能在此

漢宮殿疏曰有羃圈有師子圈武帝造秦故虎圈周匝三十五步長二十步西去長安十五里

牢

詩文曰牢閑養牛馬園也

詩曰乃造其曹執豕於牢注云曹羣也言搏豕於牢中以爲飲酒之殺

穆天子傳曰高奔戎獲虎畜於東虞命曰虎牢

事具州郡

曹子建求自試表曰如微才不試沒世無聞愈息焉視終于北首此徒園牢之養物非臣之所志也

藩籬

易曰羝羊觸藩羸其角

詩曰折柳樊圃

圃云藩

左傳曰宋向戌弭請諸侯之兵襄公二十七年諸侯之大夫曾于宋以藩爲軍注云示不相忌也

又曰哀十二年衛侯會兵于隕吳人藩衛侯之舍子服景伯謂子貢曰夫諸侯之會事既畢矣侯伯致禮地主歸餼以相辭也今吳不行禮於衛而藩其君舍以難之子盍見子宰乃請束錦以行乃免衛侯

太平御覽

卷百九十七

七

晉書曰庾袞字叔褒初袞諸父並貴盛袞惟父獨安貧約躬耕稼穡以給供養而執事勤恪與子弟樹籬墮以授條或曰今在引屏先生何恭之過也荅曰幽顯易操非君子意也

宋書曰謝瞻字宣遠弟晦時爲宋臺右衛權遇已重於彭城還都迎家賓客輻湊瞻在家驚駭謂晦曰吾家以遠退爲業汝遂勢傾朝野此豈門戶偏耶乃墜籬隔門庭曰吾不忍見此

南朝宮苑記曰建康籬門舊南北兩岸籬門五十六所蓋京邑之郊門也如長安東都門亦周之郊門江左初立並用籬謂之故曰籬門南籬門在國門西三橋籬門在今光

宅侍側東籬門本名肇建籬門在古肇建市之東北籬門
今覆丹東頭玄武湖東南角今有亭名籬門亭西籬門在
東城護軍府在西籬門外路北白揚籬門外有石井籬門
子曰願遊其籬

閑居賦曰芳枳堅籬

宋玉對曰藩籬之鷓

鷓鷓賦曰鷓鷓長於藩籬之下

華表

崔豹古今注程雅問曰堯設誹謗之木何也荅曰今之華
木以橫木交柱頭狀如華形以桔槔大路交衢悉施焉或
謂之表木以表王者納諫亦以表識衢路秦乃除之漢始

太平御覽

卷百九十七

八

復焉今西京謂之交午柱

遼東華表見鶴門

燕昭王墓前華表見狸門

太平御覽卷第一百九十七終

太平御覽卷第一百九十八

封建部一

敘封建

爵

異姓王封

敘封建

周禮夏官職方氏曰九服之邦國方千里曰王畿其外方五百里曰侯服又其外方五百里曰甸服又其外方五百里曰男服又其外方五百里曰采服又其外方五百里曰衛服又其外方五百里曰蠻服又其外方五百里曰夷服又其外方五百里曰鎮服又其外方五百里曰藩服凡邦國千里封公以方五百里則四公方四百里則六侯方三百里則七伯方二百里則二十五子方百里則百男以周知

太平御覽

卷一百九十八

一

天下

史記曰太史公曰殷以前尚矣周封五等公侯伯子男然封伯禽康叔於魯衛地各四百里親親之義褒有德也太公於齊兼五侯地尊勤勞武王成康所封數百而同姓五十五地上不過百里下三十里以輔衛王室

又曰高祖定天下田橫猶居海島帝喻之曰橫來大者王小者侯

又曰齊威王召卽墨大夫而語之曰自子之居卽墨也毀言日至然吾使人視卽墨田野闢民人給官無事東方以寧是子不事吾左右以求譽也封之萬家

又曰鄒忌以鼓瑟見齊威王王悅之三月而受相印淳于

髡見之曰善說髡有愚志願陳諸前髡說畢卽出至門而語其僕曰是人者說之微言其應我若響之應聲是必封不久矣

漢書曰李廣與望氣王朔語自漢擊匈奴廣未嘗不在其中而諸校尉材能不及中以軍功取侯者數人廣不爲人後然終無封邑者何也豈吾相不當侯耶朔曰將軍自念豈有所恨者乎廣曰吾爲隴西太守羌嘗反吾誘降八百餘人詐而同坑曰禍莫大於殺降此乃將軍所以不得侯也

東觀漢記曰上封功臣皆爲列侯大國四縣餘各有差博士丁恭等議曰古帝王封諸侯不過百里故利以建侯取太平御覽 卷一百九十八 二
法於雷上曰古之區國皆以無道未嘗聞封力臣地而滅也

又曰馮勤爲郎中給事尙書以圖議軍糧在事精勤遂見見議由是使典諸侯封事

百官表注記曰王者之制公侯伯子男凡五等上大夫卿下大夫上中士下士凡五等周典隆三聖制法立爵五等封國八百親親建國則周公宅魯康叔啟衛賢賢表德則太公封齊九命旣賜用征諸侯魯以周公之故郊祭昊天車服有裕季世凌遲僭施無度強弱相吞舊制不復循也禹貢徐州土五色王者取五土爲以社四方諸侯各割其方色土與之皆苴以白茅皆假銅虎竹符使第五夫爲諸

侯始受封之各有采地百里之諸侯以四十里爲采地七十里之諸侯以二十里爲采地五十里諸侯以十五里爲采地其後子孫雖有黜地而采地世世不黜

漢雜事曰天子太社以五色土爲壇封諸侯者取其土苴以白茅授之各以所封方之色以立社於其國故謂之受茅漢興爲皇子封爲王者得茅土其他臣以戶賦租入爲節不受茅土不立社

王隱晉書曰元康初楊駿輔政封賞過度石崇與散騎常侍蜀郡何舉共爲駁議以爲陛下聖德光被皇靈啟祚正位宣化萬國歸心今承洪基此乃大授至於班爵行賞優於太始

太平御覽

卷一百九十八

三

崔鴻曰符紹等降慕容垂上書請封紹等爲侯以酬奏王之惠且擬三恪

吳越春秋曰吳王聞勾踐爲盡心自守增之以封越王乃使大夫種齋葛布十萬甘楸九櫨文笥七枚狐皮五雙以報增封之禮

韓子曰穰侯越魏而東攻齊五年秦不益一尺之地反成其陶邑之封應侯以攻韓八年成其汝南之封曰是以來諸用秦者皆應穰之類也故勝戰則大臣尊益地則私封立

說苑曰鄭桓公東會封於鄭舍於宋東之逆旅逆旅之叟從外來曰客將焉之曰會封於鄭逆旅之叟曰聞之時難

得而易失也今客之寢安殆非會封者也鄭桓公聞之援轡自駕其僕接而載之

袁子曰今有卿相之才居公之位循其治政以寧國家未必封侯也今軍政之法斬一牙門將者封侯夫斬一將之功孰與安寧天下者安寧天下者不爵斬一將之功者封侯失賞之意也

又曰春秋鄭莊公封母弟于京祭仲曰都城過制國之害也其後卒相攻伐國內大亂故過度則有強臣之禍鄙小則有微弱之憂秦以列國之勢而并天下自以由諸侯而起之也於是去五等之爵而致郡縣雖有親子母弟皆爲匹夫及其政衰匹夫一呼而天下去及至漢家見王秦以太平御覽

卷一百九十八

四

孤特亡也於是大封子弟或連城數十廓地十里自關以東皆爲王國力多而權重故亦有七國之難白虎通曰王者卽位先封賢者憂民之急也故列土爲疆非爲諸侯張官設府非爲卿大夫皆爲民也

又曰封諸侯以夏何陽氣盛養故封諸侯盛養賢也封立人君陽德之盛者也

又曰受命之王致太平之美羣臣上下之功故盡封之乃中興征伐大功皆封所以褒大功也盛德之士亦封之所以尊有德封者必試之爲附庸三年有功因而封之五十里凡士有功者以爲附庸附世其大夫有功成封五十里

封七十里公成封百里

又曰公居百里侯居七十里何封示之優賢義欲褒尊而上之何以知殷家侯不過七十里曰土有三等有百里七十里五十里公卿大夫何謂也曰爵稱也爵稱公卿大夫何爵者量其職盡其才公之爲言公正無私也卿之爲言章也善明也大夫之爲言大夫扶進人也

王充論衡曰堯舜之人可比屋而封桀紂之人可比屋而誅

曹植遷都賦曰余初封平原轉出臨淄中命鄆城遂徙雍
巨改邑浚儀而未將適于東阿號則六易居實三遷連遇瘠土衣食不繼

爵

太平御覽

卷一百九十八

五

易中孚曰鳴鶴在陰其子和之我有好爵吾與爾縻之

左傳襄公二十一年齊莊公爲勇爵

設爵位以命勇士

殖綽郭最欲

與焉州綽曰東閭之役臣左驂迫還於門中識其板數

識門

數板其可以與於此乎公曰子爲晉君也對曰臣爲隸新然

二子者譬於禽獸臣食其肉而寢處其皮矣

言嘗射得之

白虎通曰爵五等者法五行或三等者法三光或法三或

法五何質者據天故象三光文者據地故法五行

禮含文嘉曰殷爵三等周爵五等各有宜

王制曰王者之制祿爵公侯伯子男凡五等

孝經援神契曰二王之後稱公大國侯皆千乘象雷百里

所潤雲雨同

史記曰秦聞馬服子將乃陰使白起爲上將軍奇兵絕趙軍後趙軍分而爲二糧道絕秦王聞趙食道絕王自之河內賜民爵各一級發十五以上悉諸長平遮絕救之

又曰秦始皇四年百姓內粟千石拜爵一級

漢書曰惠帝元年民有罪得賣爵三十級以免死罪賜民爵尸一級六年令民得賣爵

又曰衛青比年擊胡賦稅既竭不足以奉戰士有司請令民得賣爵及贖禁錮免賦罪請置賞官名曰武功爵也

又曰宣帝五鳳四年大司農中丞耿壽昌奏設常平倉以給北邊省轉漕爵關內侯

袁山松後漢書曰建寧二年爵乳母趙堯爲平氏君

太平御覽 卷一百九十八 六

魏書曰太祖置名號侯爵十七級關外侯十六級五大夫十五級與舊列侯凡六等

魏氏春秋曰黃初三年帝欲封太后母尙書陳羣奏曰案典籍之文無婦人分土命爵之制在禮婦人因夫爵秦違古法漢氏因之非先王之令典帝曰是也

晉書曰長樂馮恢父爲弘農太守愛少子淑欲以爵傳之恢父終服闋乃還鄉里結草爲廬陽瘖不能言淑得襲爵

恢始仕

管子曰爵不尊祿不重者不與圖難犯危以其爲道未可
以求之也是故先生制軒冕是以著貴賤不求其美設爵
祿足以守其服不求其觀使君子食於道小人食於力

孟子曰有天爵者有人爵者仁義忠信樂善不倦此天爵也公卿大夫此人爵也古之人修其天爵而人爵從之今之人修其天爵以要人爵既得人爵而棄其天爵則惑之甚者也

商君書曰明王之所貴惟爵其賞不榮則民不急其列不顯則民不事爵易得也則民不貴

淮南子曰爵祿者人臣之銜轡

說苑曰晉文公出區周流天下舟之僑去虞而從文公文公反國擇可爵而爵之擇可祿而祿之僑獨不與焉文公酌諸大夫酒酒酣公曰二三子蓋爲寡人賦乎舟之僑曰君子爲賦小人請陳其辭辭曰有龍矯二頓失其所一蛇

太平御覽

卷一百九十八

七

從之周流天下龍及其淵蛇寧其處公懼然曰子欲爵也請待旦日之朝子欲祿耶請今命廩人之僑曰請而得其賞廉者不受也言盡而名至仁者不爲也遂退中身誦甫田之詩

風俗通曰漢武帝諱徹改曰通侯或曰列侯秦時六國未平將帥皆家關中故稱關內侯通侯言其功大通於王室列者言其功德列著乃饗爵也

王粲爵論曰爵自一級轉登十級而爲列侯譬猶秩自百石轉遷而至於公也而近世賞人者皆不由等級從無爵封列侯原其所以爵廢故也司馬法曰賞不踰時欲民速得爲善之利也近世爵廢人有小功無以賞也乃積累焉

須事足乃封侯非所以速爲而及時也觀上古高祖封功臣及白起衛鞅皆稍賜爵爲五大夫客卿庶長以至於侯非壹頓而封也夫稍稍賜爵與功大小相稱而俱登旣得其義且侯次有緒使慕進者遂之不倦矣

異姓王封

漢書曰高祖定天下功臣異姓王者八國張耳吳芮彭越黥布臧荼盧縮韓信皆微一時之權變以詐力成功咸得裂土南面稱孤見疑強大懷不自安事窮勢迫卒謀叛逆終於滅亡張耳以知全至子亦失國惟吳芮之起不失正道故能傳號五世以無嗣絕澤流支庶有以矣夫

以其不用詐故也

太平御覽

卷一百九十八

八

漢書曰張耳大梁人也少時及魏公子母忌爲客嘗亡命遊外黃外黃富人女甚美庸奴其夫亡邸父客父客謂曰必欲求賢央從張耳女聽爲請决嫁之女家厚奉給耳耳故致千里客宦爲外黃令高祖爲布衣時嘗從耳遊秦滅魏購求耳千金耳變姓名之陳爲里監門後項羽素亦聞耳賢廼分趙立耳爲常山王田榮襲耳耳敗走漢漢二年遣耳與韓信擊破趙井陘斬陳餘泚水上四年夏立耳爲趙王耳薨子敖立爲王

又曰韓信平齊使人言漢王曰齊夸詐多變反覆之國南邊荒不爲假王以填

音鎮

之其勢不定今權輕不足以安之

臣請自立爲假王當是時楚方急圍漢王於滎陽使者至

發書漢王大怒罵曰吾困於此且暮望爾來佐我乃欲自立爲王張良陳平伏後躡漢王足因附耳語曰漢方不利寧能禁信之自王乎不如因立善遇之使自爲守不然變生矣漢王亦寤因復罵曰大丈夫定諸侯卽爲眞王耳何以假爲遣張良立信爲齊王徵其兵使擊楚

又曰彭越字仲昌邑人也常漁鉅野澤中爲盜陳勝起歲餘澤間少年相聚百餘人往從越請仲爲長乃行畧地收諸侯散卒得千餘人沛公之從碭北擊昌邑越助之昌邑未下沛公引兵西越亦將其衆居鉅野澤中項籍入關王諸侯還歸越衆萬餘人無所屬齊王田榮叛項王漢乃使人賜越將軍印使下濟陰以擊楚大破楚軍漢二年拜越

爲魏相國擅將兵畧定梁地漢王之敗彭城解而西也越皆以其所下城獨將其兵北居河上漢三年越常往來爲漢遊兵擊楚項王與漢王相距滎陽越攻下睢陽外黃十七城漢王遣楚爲項籍敗固陵廼謂畱侯曰諸侯兵不從爲之奈何畱侯曰彭越本定梁地功多始君王以魏豹故拜越爲相國今豹死亡後且越亦欲王而君王不早定今取睢陽以北至穀城皆許以王彭越則兵至矣於是漢王發使使越如畱侯策使至越乃引兵會垓下項籍死立越爲梁王都定陶

又曰黥布六人也項羽入咸陽黥布爲先鋒項王封諸將立布爲九江王後與隨何俱歸漢漢王方踞牀洗而召布

入見布大怒悔來欲自殺出就舍張御飲食從官如漢王
居布又大喜過望漢益分布兵而與俱北收兵至城臯四
年秋七月立布爲淮南王

又曰盧縮豐人也與高祖同里及高祖初起沛縮以客從
入漢中爲將軍項籍死使縮別將與劉賈擊臨江王共尉
還從擊燕王臧荼皆破平時諸侯非劉氏而王者七人上
欲王縮爲羣臣觶望及虜臧荼乃下詔諸將相列侯擇羣
臣有功者以爲燕王羣臣知上欲王縮皆曰太尉長安侯
盧縮常從平天下功最多可王上乃立縮爲燕王諸侯得
幸莫如燕王者縮立六年以陳豨事見疑漢十年陳豨反
漢旣斬豨其裨將降言燕王縮使范齊通謀豨所上使使
召縮縮稱病又謂其幸臣曰非劉氏而王者獨我與長沙
耳今上病屬任呂后呂后婦人專欲以事誅異姓王者及
大功臣廼稱病不行高祖崩遂亡人匈奴

又曰吳芮秦時番禺令甚得江湖間民心號曰番君天下
之初叛秦也黥布歸芮芮以女妻之因率越人舉兵以應
諸侯沛公攻南陽廼遇芮之將梅鋗呼立與偕攻析郢降

之及項羽相王以芮率百越佐諸侯從入關故立芮爲衡
山王項籍死上以鋗有功從入武關故德芮徙爲長沙王

都臨湘

又曰惠帝崩立孝惠後官子爲帝呂太后臨朝稱制遂立
周呂侯子台爲呂王台弟產爲梁王建城侯釋之子祿爲

趙王台子通爲燕王又封諸呂凡六人皆爲列侯太后病因以趙王祿爲上將軍居北軍梁王產爲相國居南軍戒產祿曰高祖與大臣約非劉氏王者天下共擊之今王呂氏大臣不平我卽崩恐其爲變必據兵衛官慎毋逆喪爲人所制太后崩太尉周勃丞相陳平朱虛侯劉章等共誅產祿迎立代王是爲孝文皇帝

晉書曰初武帝爲王時王祥與荀顛往謁謂祥曰相國王尊重列侯旣已敬盡今便當拜也祥曰相國戒爲尊貴然是魏之宰相吾等魏之三公公王相去一階而已班列大同安有天子司而輒拜人者損魏朝之望虧晉王之德君子愛人以禮吾不爲也及入巔遂拜而祥獨長揖帝曰今日方知君見顧之重矣

太平御覽

卷一百九十八

七

北齊書曰尉景之子粲少歷顯職性粗武天寶初封庫狄十等爲王粲以不預王爵大恚恨十餘日閉門不朝帝怪遣就宅問之隔門謂使人曰天子不封粲父作王粲不如死使云須開門父敕粲遂彎弓隔門使者以狀聞之文宣使段韶諭旨粲見韶惟撫膺大哭不荅一言文宣親詣其宅慰之方復朝請尋追封景長樂王

唐書曰郭子儀華州鄭縣人安祿山死朝廷欲圖大舉詔郭子儀帥師趨京城師於潞水之西與賊將安太清安守忠戰後從元帥廣平王率藩漢之師十五萬進收長安迺統遣葉護太子領四千騎助國計賊歸仁等敗夜奔陝郡

翌日廣平王入京師老幼百萬歡叫涕泣而言曰不圖今日復見官軍是時河東河西南賊所盜郡邑皆平以功加司徒封代國公入朝天子遣兵仗戎容迎于灞上肅宗勞之曰雖吾之家國實由卿再造子儀頓首感謝乾元元年九月詔子儀與九節度之師討安慶緒以中官魚朝恩爲觀軍容宣尉使朝恩素害子儀之功因其不振媒孽之尋召還京師子儀雖失兵柄乃思王室以禍難未平不遑寢息俄而史思明再陷河洛朝廷旰食復慮蕃寇逼迫京畿言事者以子儀有社稷大功今殘孽未除不宜置之散地肅宗深然之上元元年九月以子儀爲諸道兵馬都統復爲朝恩所閒事竟不行上元三年李光弼兵敗於邠山河

太平御覽

卷一百九十八

七

陽失守又河中軍亂殺其帥李國貞太原節度使鄧景山亦爲部下所殺恐其合從連賊朝廷深憂之後輩帥臣未能彈壓遂用子儀爲朔方河中北庭潞儀澤沁等州節度行營兼興平定國副元帥進封汾陽郡王出鎮絳州子儀至絳擒殺其國貞賊首王元振數十人並誅之太原辛雲京聞子儀誅元振亦誅害景山者由是河東諸鎮率皆奉法

又曰渾瑊阜蘭州人也本鐵勒九姓部落之渾部也父釋之少有武藝從朔方軍積戰功於邊上累遷至開府儀同三司寧朔郡王德宗姓奉天瑊率家人子弟自京城至署爲行在都虞候以拒朱泚賊平德宗還宮以瑊爲河中尹

河中絳慈隰節度使封咸寧郡王

又曰馬燧字洵美汝州郟城人少嘗與諸兄讀書輟卷歎曰丈夫當建功於代以濟四海安能屹屹爲一儒哉燧姿度魁異沉勇多智畧後朱泚之亂燧守太原燧以晉王王業所起乃引晉水而注城之東渚以爲池寇至計省守陣者萬人尋兼保寧軍節度使封北平郡王

太平御覽

卷一百九十八

七

太平御覽卷第一百九十八終

太平御覽卷第一百九十九

封建部

公封

侯封

伯封

子封

男封

同姓封

外親封

公封

韋昭辨釋名曰公直也取其正直無私

易師卦曰大君有命開國承家

周書曰能移於衆與百姓同謂之公

周禮地官曰大司徒之職諸公之地封土方五百里其食半

太平御覽

卷一百九十九

一

又春官曰大宗伯之職公執桓圭

晉書曰陶侃有善相者師圭謂侃曰君左手中指有堅理當爲公若徹於上貴不可言侃以針決之見血洒壁而爲公字以紙裏手公字愈明

後魏書曰許落陽爲鴈門太守家田三生嘉禾皆異壟合穎世祖善之進爵北地公

魏咸熙元年相國晉王奏建五等諸公地七十五里邑一千八百戶置相人一典祠書衛典禮各一人妾六人車前司馬十人旅賁四十人

侯封

周易豫卦曰豫利建侯行師豫順以動故天地如之况建

侯行師乎

又比卦曰地土有水比先王以建萬國親諸侯

又屯卦曰初九盤桓利居貞利建侯

周書曰能樹名生物與天道俱謂之侯

周禮春官曰大宗伯之職侯執信圭

又曰典命侯伯七命其國家宮室車旗衣服禮儀皆以七為節

漢書解詁曰列侯金印紫綬以賞有功大者食縣邑小者食鄉亭

後漢書曰馮石襲母公主封獲嘉侯亦為侍中稍遷衛尉能取悅當代為安帝所寵常幸其府留飲十許日賜駸犀

太平御覽

卷一百九十九

二

具劍佩刀

以班犀
飾劍也

紫艾綬玉玦各一

玦以
飾帶

又曰丁綝建武元年拜河南太守及封功臣帝令各言所樂諸將皆古豐邑美縣唯綝願封本鄉或謂綝曰人皆欲縣子獨求鄉何也綝曰昔孫叔敖敕其子受封必受堯塢之地今綝能薄功微得鄉亭厚矣帝從之封為定陵新安鄉侯食邑五千戶徙封陵陽侯

又曰韓歆封扶陽侯好直言無隱諱帝每不能容嘗因朝會聞帝讀隗囂公孫述相與書歆曰六國之君皆有才桀紂亦有才帝大怒以為激發歆又證歲將飢凶指天畫地言甚剴切坐免歸田里帝猶不釋復遣使宣詔責之

又曰建武二年定封景丹樂陽侯帝謂丹曰今關東故王

國雖數縣不過櫟陽萬戶邑夫富貴不歸故鄉如衣錦夜行故以封卿耳丹頓首謝

又曰光武下詔封諸將博士丁恭議曰古帝王封諸侯不過百里故易以建侯取法於雷

又曰陰興遷侍中賜爵關內侯帝後召興欲封之置印綬於前興固讓曰臣未有先登陷陣之功而一家數人並蒙爵土令天下歛望誠爲盈溢臣蒙陛下之恩至深至厚富貴已極不可復加至誠不願帝嘉興之讓不奪其志

又曰傅昌嗣建初中遭母憂因上書以國貧不願之封乞錢五十萬爲關內侯肅宗怒貶爲關內侯竟不賜錢

魏志曰張魯自巴中將其餘降封魯及五子皆爲列侯

太平御覽

卷一百九十九

三

又曰文帝黃初二年分三公戶邑封子弟各一人爲列侯又咸熙元年晉王奏建五等諸侯地七十里邑千六百戶官屬同諸公妾五人車前司馬八人旅賁三十六人

吳志曰全琮字子璜劉備將關羽圍逼襄陽琮上疏陳羽可討之計權時已與呂蒙陰議襲之恐事泄故寢琮表不荅及擒羽權置酒公安顧謂琮曰君前陳此孤雖不荅今日之捷亦君之功也於是封華亭侯

晉書曰高貴鄉公將公文帝召王沈及王業告之沈馳白帝以功封安平侯邑二千戶沈旣不忠於主甚爲衆論所

非

又曰衛瓘都督幽州以其離開二虜功賜子亭侯瓘乞以

封弟未受命而亡子客受封亭侯瓘六男無爵悉讓於弟遠近稱之

隋書曰李宗字永隆英果有籌算膽力過人周元年以父賢勳封迴樂縣侯時年尚小拜爵之日親族相賀宗獨泣賢怪而問之對曰無勳於國而幼少封侯當報主恩不得終於養是以悲耳賢由是大奇之

伯封

周書曰率眾時作謂之伯

周禮曰春官大宗伯之職曰伯執躬圭

孝經援神契曰伯白也

魏志曰咸熙元年春晉王奏建五等伯地方六十里邑千

太平御覽

卷一百九十九

四

二百戶妾四人車前司馬八人旅賁二十八人

後周書曰王勇論討茹茹功別封永固縣伯邑五百戶時有別封者例聽廻授次子勇獨請封兄子元興時人義之

子封

周禮春官典命曰子男五命其國家宮室車旗衣服禮儀皆以五爲節

又曰大宗伯之職子執穀璧

魏志曰蔣愷濟之孫也咸熙中開建五等以濟著勳前朝改封愷爲下蔡子

又曰咸熙元年相國晉王奏五等諸子地方五十里邑八百戶相一人典祠令典書丞典衛丞各一人妾三人車前

司馬四人旅賁二十人

齊書曰王敬則封重安縣子邑三百五十戶敬則少時於草中射獵有虫如烏豆集身摘去乃脫其處皆流血敬則惡之詣道士曰不須憂此封侯之瑞也敬則聞之喜

環濟要畧曰子猶孳孳栖栖之稱也

男封

周禮地官大司徒職曰諸男之地封疆方百里其食者四之一

又春官曰大宗伯之職男執蒲璧

環濟要畧曰男任也任治事受王命為君也

魏志曰咸熙元年相國晉王奏建五等男地方三十五里

太平御覽

卷一百九十九

五

環邑四百戶相一人典祠長典書丞各一妾二人車前司

魏馬二人旅賁十二人又次國男地方二十五里邑二百

戶

同姓封

毛詩閟宮曰乃命魯公俾侯于東奄有龜蒙遂荒大東

左傳僖公曰昔周公弔二叔之不咸故封建親戚以蕃屏

周管蔡邲霍魯衛毛聃邴雍曹騰畢原鄆郇文之昭也

昭文 十六國也邳晉應韓武之穆也 武穆 四國凡蔣邢茅胙祭周公之胤

也 周公胤 六國也

又昭公上曰武王邑姜方娠太叔夢天謂己余命而子曰

虞將與之唐及生有文在其手曰虞遂以命之

史記曰吳太伯弟仲雍皆周太王之子而季歷之兄二人知太王欲立季歷乃適荆蠻以避季歷義而歸之千餘家立爲吳太伯太伯無子而仲雍氏立五世武王克商求太伯仲雍之後得周章周章已君吳因而封之

又曰武王封吳周章之弟虞仲於虞列爲諸侯十二世而爲晉所滅

又曰周公旦武王之弟佐武王平紂而封於少皞之墟曲阜是爲魯公凡四十四世而楚考烈王滅魯

又曰管叔鮮蔡叔度武王之弟武王已克殷封鮮於管封度於蔡周公誅武庚殺管叔放蔡叔蔡既遷而死其子曰胡胡乃改行率德周公言於成王復封於蔡二十五世至

太平御覽

卷一百九十九

六

齊侯而楚惠王滅蔡

又曰曹叔振鐸者武王弟也武王已克殷封振鐸於曹凡十四世而宋滅曹

又曰衛康叔者武王弟也周公以成王之命伐武庚放蔡叔殺管叔以殷餘民封康叔爲衛君凡三十九世至君角而秦併天下廢爲庶人

又曰晉叔虞者成王之弟成王與叔虞戲削桐葉爲圭曰以唐封汝史佚因言請擇日立叔虞成王曰吾與之戲耳佚曰天子無戲言遂封叔虞於唐唐在河汾之東三世至靖公而韓魏趙三分其地

又曰鄭桓公友者周厲王庶子封於鄭二十四世至鄭君

乙而韓哀侯滅鄭併其地

又曰越王勾踐其先苗胤夏后少康之子封會稽以奉守禹之祀斷髮文身二十餘世至帝卒子踐立滅吳稱霸後十世閩君搖佐諸侯平秦高祖以搖爲楚王

漢書曰漢興之初尊王子弟大啟九國京師內史凡十五郡公主列侯頗邑其中而國大者跨州兼郡小者連城數十也

又曰高祖封兄喜爲代王匈奴入代廢爲合陽侯子溥爲吳王

又曰呂后封楚王郢爲下邳侯齊王肥子章朱虛侯興居東牟侯

太平御覽

卷一百九十九

七

又曰孝文封齊王肥子人爲侯淮南王長四人爲侯後改封王

又曰孝景封楚王子四人爲侯梁王子二人爲侯

又曰淮南厲王死後孝文憐淮南王有子四人年皆七八歲乃封子安爲阜陵侯子勃爲安陽侯子賜爲陽周侯子良爲東城侯

又曰梁孝王死竇太后泣極哀不食帝哀懼不知所爲與長公主計之乃分梁爲五國盡立孝王男五人爲王女五人皆合食湯沐邑奏之太后乃悅爲帝一食

又曰孝武帝令諸王推恩分子弟諸王子孫一百七十七人爲侯

又曰武帝以子弘爲齊王旦燕王子胥爲廣陵王子髡昌
邑王髡子賀爲昭帝後卽位二十七日廢歸故縣

又曰武帝使御史大夫張湯策立子闕爲齊王曰於戲小
子闕受茲青社朕承祖考維稽古建爾國家於東土世爲
漢蕃輔立子旦爲燕王曰小子旦受茲玄社建爾國家封
於北土子胥爲廣陵王曰小子胥受茲赤社建爾國家封
於南土

又曰宣帝詔曰蓋聞象有罪舜封之其封昌邑王賀爲海
昏侯

又曰宣帝封子厥爲淮陽王宇爲東平王囂爲楚王竟爲
中山王廣陵王子胥弘爲高密王

太平御覽

卷一百九十九

八

又曰昭帝封諸子孫十二人宣帝封六十三人元帝封四
十八人成帝封四十三人哀帝封九人平帝封四十八人
爲侯

續漢書曰靈帝封河間王子廋爲齊南王奉帝父孝仁祀
魏志曰明帝大和六年春二月詔曰古之帝王封建諸侯
所以藩屏王室也詩不云乎懷德維寧宗子維城秦漢繼
周或強或弱俱失厥中大魏創業諸王開國隨時之宜未
有定制非所以永爲後法也其改封諸侯王皆郡以爲國
晉起居注曰武帝詔皇子裕生七歲矣得疾始封平王

又曰武帝詔安平獻王孫承昔以父早亡不建大祚以縣
封之今以三縣封爲武邑王

又曰惠帝詔侍中司馬討楊駿之功封東海王食六縣
晉百官名曰武帝以齊王蕤爲遼東王紹皇弟定國後贊
爲廣陵王紹弟廣德後

陳雷風俗傳曰周成王戲其弟桐葉之封周公曰君無二
言遂封之於唐唐侯克慎其德其詩曰媚茲一人應侯慎
德是也

華陽國志曰武帝封子穎爲成都王以蜀廣漢犍爲汶山
十萬戶爲王國易蜀郡太守號爲成都內史

外戚封

史記曰武帝衛后弟青封長平侯四十皆封侯貴震天下
漢書曰文帝封太后弟薄昭爲軹侯又封王舅駟鈞爲侯

太平御覽

卷一百九十九

九

又曰景帝封太后弟姪竇廣國爲章武侯竇彭祖爲皮侯
竇嬰以破吳楚功封魏其侯后弟王信爲益靖侯

又曰武帝封太后同母弟田蚡爲武安侯勝周陽侯皇后
弟衛青以伐匈奴封長平侯皇后姊子霍去病伐匈奴封
冠軍侯

漢書曰元帝封王皇后父商爲平陽侯長子鳳嗣

又曰王音旣以從舅越親用事小人親職歲餘上下詔封
音爲陽侯食邑與五侯等俱三千戶

又曰成帝封太后兄子莽爲新都侯宣帝悼皇考皇舅孫
史丹爲陽侯皇后兄趙欽爲新城侯父趙臨爲成陽侯太
后姊子淳于長定陵侯中山王舅馮參爲宜陽侯

又曰哀帝欲封祖母傅太后從弟商鄭崇諫曰孝武皇帝封親舅五侯天爲赤黃晝昏日中有黑氣今祖母從昆弟二人已侯許皇后父高武侯以三公封尙有因緣今欲復封商壞亂制度逆天人心非傅氏之福

東觀漢記曰封馬防兄弟三人各六千戶爲潁陽侯特以勤勞綏定西羌以襄城美亭一千二百戶增防身帶三綬寵貴至盛

又曰鄧訓自中興後累世寵貴凡侯者廿九人貴盛莫比後漢書曰明德馬后詔不得封外戚章帝省詔悲嘆復重請曰漢興舅氏之封侯猶皇子之爲王也太后誠存謙虛奈何令臣獨不加恩三舅乎且衛尉平尊兩校尉有大病

太平御覽

卷一百九十九

十

衛尉太后兄廖兩校尉兄防兄光也

如今不諱使臣長抱刻骨之恨宐及吉

時不可稽留太后報曰吾反覆念之思令兩善豈徒欲獲謙讓之名而使帝受不外施之嫌哉

以恩澤封爵外家爲外施也

昔寶

太后欲封王皇后之兄

寶太后文帝后也王皇后景中后也兄卽王信後封爲蓋侯

丞

相條侯周亞夫言受高祖約無軍功非劉氏不侯今馬氏無功於國豈得與陰郭中興之后等耶

後漢書曰陰識封陰鄉侯二年以征伐軍功增封識讓曰天下初定將帥有功者衆臣托屬掖庭仍加爵邑不可以示天下帝甚美之

魏志曰黃初二年詔曰后族之家不得橫受茅土之爵以此詔傳後世若有違背天下共誅之

史曰甄后封父逸安成侯侯豫襲封後改爲魏侯子暢嗣
父封暢弟温韡藍皆列侯又以後亡後從孫黃合堊帝愛
女淑追黃列侯

人皆列侯
吳志曰孫皓元年十二月封后父牧爲高密侯舅何等三

王隱晉書曰武帝封楊后父鎮軍楊駿爲臨晉侯后母太
原麗爲安昌鄉君太學生王鈴曰侯稱臨晉後必有制國
也駿漸驕傲胡奮語駿卿恃女更豪耶人與天家婚未有
不滅門者早晚事耳駿曰卿女復不在天家耶奮曰我女
與卿女作婢何能增損

又曰楊駿以父超居重位自鎮軍將軍遷車騎將軍封臨
太平御覽

卷一百九十九

十一

晉侯識者議之曰夫建諸侯所以藩屏王室也后妃所以
供粢盛弘內教也后父始封而以臨晉爲侯兆於亂也

